

150.297  
30  
26

靈寶縣誌

卷之六

藝文下

碑誌

祭文

傳

墓誌

機祥

詳

詩

賦

外紀

靈寶縣志卷之六



邑令華容周慶增  
署令江夏王道暉  
邑令萊陽初元方  
柳次

藝文志下

碑銘 祭文 傳 墓誌 論 詩 賦

碑銘

古函谷關

獨孤及 唐人

王者建邦經野觀象立極於是有重門擊柝以待暴客故  
封畧土宇守在關塞山川邱陵為之城池天作峭函俾屏

靈寶縣志 卷之六 藝文下 碑銘 一

京室崇山廻谷連岡叢倚長河屈盤萬里來東崖奔嶺蹙  
谷抱谿闢喘起重險為秦東門截函夏於闕闕鎖天府於  
戶牖外阨八州之咽喉故百二形焉內權六合之奧區故  
霸王出焉當其中原鹿駭戰國蝟起嬴氏建瓴山東擇肉  
字內持戟百萬連衡此關是時也開門而九國師遁振策  
而二周鼎入奄有大寶遂吞中區泊江返秦壁天佈漢祚  
高皇帝提劍而起以遏亂畧斬白帝繼隋王舉漢中兵平  
咸陽廓全城以建都活萬姓以三章取威定功此焉是保  
國若詢事國牒聆風仙錄則貞氣靈蹤起乎其中柱史一

去流沙萬里留玉函於舊宅傳保圖於本校豈上帝乃若  
興王是感不然何錫美開國如此其大歲在大火余適下  
陽停驂塞門憑覽舊國襟帶如故世道不留秦餘空山漢  
遺茂草恐復舟失於壑莽化爲谷萬載之後昧者不知乃  
刻頌此石以示來裔其辭曰天地雷雨英雄交爭設險守  
國作藩於京姓易猶移山空塞平千秋陵谷想見精靈仙  
駕長往雄圖杳冥於以志之勒銘巖扃

老子遺宅碑銘

粵惟紫氣東臨青牛西渡 元過化以存神闕令望風而

靈寶縣志

卷之六

藝文下

碑銘

二

知異合精遊駕闡教著經棲息仙房永著桃林之舉靈修  
故里實彰天寶之符道德名言本原河上法籙宗旨出自  
關門雖世代之沿革靡常而廟貌之尊崇罔替迨有明興  
治準百王禮隆三教躬尚一默之化郡設道錄之司瞻此  
遺宮秩以祀典因仍既久敝陋滋多正德中邑耆焦公溥  
悵往跡之將湮慨今規之未壯於是拓故鼎新不遺餘力  
層臺巍閣始稱奇觀少傅許文簡公勒以紀贊邑侯苟小  
川公載之志乘蓋爲一方大利千古名區矣比旃蒙卑闕  
之歲有堪輿震動之虞棟宇剝摧垣墉傾圯靜寧州守紹

恩溥之姪也鴻臚署丞絳西安幕府續溥之從孫也念先  
德之當成思祖武之宜繼加意修葺永圖維新乃爲東西  
道院二所便羽客之藏修殿閣過亭三楹鬱神宮之冲邃  
節稅麗藻山之美金碧煥日月之光誦法者爰處爰居瞻  
禮者來遊來息爽塏揮霍勝槩與河嶽爭雄幽闐清虛風  
景與蓬壺並秀嗚呼道德尚矣仙源遠矣固非可道可名  
但市朝累變陵谷代遷而遺址歸存萬劫不廢非天下之  
至神其孰能與此不辭染翰爰勒貞珉銘曰兩儀未判大  
道無名是謂元始三才既立化育流行震動艮止萬物芸

靈寶縣志

卷之六

藝文下

碑銘

三

芸 化之門谷神不死聖王有作撫世因時結繩而治信  
薄禮僞道降風靡迺周之季篤生太上道在厥躬爲柱下  
史矯矯龍德唯聖知之於斯問禮流沙命駕吾其化彼匪  
以逃世霏霏紫氣鬱鬱關門聿來尹喜道由心遇經以言  
傳留宅茲土瞻彼遺宅歲月悠悠名聞寰宇興廢舉墜焦  
氏義門有光號里蓮峯西峙嵩嶽東環黃河背指川原映  
帶松檜從莘洞天福地岩巒碧殿寥廓一壇角剗霄禮鍾  
靈聚順翊我皇明百千萬紀

晉武悼楊皇后廟碑

許詩

先太保襄毅公 賜葬靈寶城用石嘴山麓巔有廟曰  
鄉以祀晉武悼楊皇后者莫知所從起考圖記史傳后諱  
芷字季蘭號州弘農人元后從妹大傅駿女咸寧二年武  
帝立爲皇后婉嫵有婦德美吹椒房生渤海殤王早薨遂  
無子帝崩尊爲皇太后賈后惡大傅執權且誤恨后構已  
遂誣爲謀危社稷族誅大傅廢太后詣金鏞城爲庶人絕  
膳而崩仍覆而殯之時年三十四在位十五年至懷帝永  
嘉元年追復尊號謚曰悼還葬峻陵相傳后大漸時遺命  
有首邱意廟東大塚卽覆殯舊墓故號其廟曰思鄉理或

靈寶縣志

卷之六

藝文下

碑銘

四

然也環廟數十里春秋祈報于是疾疾祈禳于是子嗣祈  
禱于是咸若有答焉正德辛巳詩任鄉貢進士儒以棟宇  
將頽宜有加飭乃易圮榱腐瓦落青剝丹而新之旣畢功  
神人胥悅廟祝張英等請刻廟石以彰厥靈余謂后生有  
懿德用物精多竟遭大逆之變含恨而崩得之天者未盡  
施故迄今千餘年猶著其靈于故土禮曰祭祀有祈焉有  
報焉有由彌焉今后之對於禱祝如取左契祈報由彌蓋  
兼有焉宜廟食茲土而宣其烈也遂相與拜手稽首頌神  
德俾歌以祀焉其辭曰於維楊氏允矣碩宗勲名德業世

望弘農於彼晉代篤生聖女徽柔婉婉皇英可侶應乾作  
配明德日盛萬姓欣戴朝野同慶戴勝降桑躬執管筐郊  
廟有服靡不質良內治陰德嬪姬率服外輔陽教羣工穆  
穆彼凶肆虐誤德爲仇禍延九族金墉永幽六宮含怨  
海側目彼凶雖磔人怨未伏耿耿精靈惟懷故里千祀  
茲神時戾止石嘴之巔旣夷且差弘農之流實抱  
廟有殿號曰思鄉歷歲滋久棟墉摧傷我在感斯維  
宇百工告成崇報孔溥祈兮禱兮如嚮斯應歎  
靈有證華嶽峩峩河流熒熒或往或來互著厥靈我  
勒祈爾純祉我私且後願先桑梓

靈寶縣志

卷之六 藝文下 碑銘

五

重修晉武悼楊后廟碑

許 辛

春秋二百四十二年左氏記災祥神異之事屢矣儒之  
不道疑近於誕今觀重修楊后廟事令人惘然信焉  
建於先義毅公賜葬之南巔余總角時莅其地廟貌猶  
後漸頽圮棟梁椽桷或爲污黠者所市前邑侯胡公欲  
修舉未果張侯莅任有巫降署中道后本末甚悉且言  
材木鬻賣寄頓之事密踪之果如操券侯驚異遂捐貲  
焉后廟不知所自昉邑中祈豐年求子息相傳有禱必

顧后之靈能歷千祀香火而不能不暫歇一時且不早降  
神於網利黠民作奸犯科之日豈廟祀暫廢久興有數存  
與然惡不終隱久而彌彰者蓋祀典所載有其舉之莫之  
敢廢况后生爲聖后沒爲明神非諸邪祀可比而靈邑係  
桑梓故地廟貌於斯陵寢於斯靈爽在天胡可撲滅彼凶  
人之能爲者人也其惡之終不可掩者天也初張侯重建  
止正殿享堂其兩廊火星子孫娘娘諸神祠未及修葺邑  
親友蘓毓泰等以數年前首事之人有志必成力募十村  
然後門堂寢室一復舊規落成屬余作文記焉余惟后本  
紀及梓宮歸靈故事或徵信史或得傳聞余六世嫡祖工  
部主事公碑載甚詳無庸贅今載其事之信而可爲法戒  
者示惡無隱而不彰者如彼則善以積而衍爲餘慶益信  
後之覽斯文者其有所勸也夫其有所戒也夫

何侍郎神道碑

長沙李東陽 大學士

戶部右侍郎何公仲衡自山西被召命時屬足疾累具疏  
辭上憫其懇誠特許致仕越五年卒於正寢年七十六矣  
其同年進士張君器之嘗同官西臺知最稔以子姁介春  
坊左中允賈君和鳴狀請銘神道按何之先出開封宋靖

世間有諱實者避亂靈寶始居之國初有諱欽者舉賢戶  
方正歷饒州保定二府經歷是爲公會祖祖父諱茂以公  
貴累贈都察院右副都御史考諱濟起貢士累官南康知  
府贈亦如之公諱鈞仲衡字也八歲時從南康君遊太學  
穎敏強記成化戊子舉河南貢乙未擢進士第試工部政  
奉使襄陵王府修闕里陵墓戊戌授太常博士辛丑被簡  
爲浙江道監察御史督捕京畿東路盜賊監通州倉出闕  
寧夏邊儲防禁不弛巡按四川播州楊友者讐其嫡弟變  
謀奪其官誣其叛謀命刑部錦衣衛暨巡撫都御史會公

靈寶縣志

卷之六

藝文下

碑銘

七

往勘友黨有健訟者公理折之友乃引伏安置保寧事始  
定監鄉舉事時遇侍人受代歸省值父病篤留闕月比居  
喪舍歛如禮復召命而後襄事母李淑人之喪兩經月不  
止公號泣於天及葬而齋已乃復兩人皆異之服闋改出  
東道勘諸司文卷姦無所宿名益起擢大理右寺丞京東  
人入貢者爲官軍誘殺獄連數千人久不決公徃直其事  
不爲勢屈遷右少卿勘陝西邊事于時大獄數十人當坐  
死公據法原情多得未減癸亥始擢右副都御史巡撫山  
西兼督鴈門諸關乙丑歲大疫太原平陽飢民多轉徙公



賑貸招集有復業者敵視知官軍出援宣府乘間入邊  
忽至公斬崖設筭出兵邀之敵退曾京倉提督官闕乃  
有戶部之命邊人皆戀戀不忍釋公體貌魁碩氣揚揚不  
下物明習法律剴折繁錯隨所至能取聲譽與人近厚恤  
拯難皆力爲之性度坦率不曲爲鈞距居家尤雍睦外暨  
族黨鄉閭皆樂稱之官至曹省而遽歸邱壑論者以爲弗  
究其用云銘曰國有重臣維臺省地一之旣難矧得其二  
維何氏彥爲名御史行臺出巡越在西鄙東曹內遷實佐  
邦計而卒弗試誰尼誰使其名則成命亦然爾生行死歸

靈寶縣志

卷之六

藝文下

碑銘

八

兩得其理恤恩在茲以與終始

許襄毅公神道碑

鄴城崔

銑祭酒

許氏系出周文叔傳至許伯爲楚人後世遷同州再長安  
由隋唐來至金元代有聞人最貴封譙國公及相唐高宗  
詳在家乘金時諱威者爲兵馬都元帥始居靈寶傳七世  
爲教諭聚娶何氏正統二年丁巳五月二日生許公諱進  
字季升號東崖甫年十歲通小戴記遂以是經舉成化丙  
戌進士己丑授監察御史再遭母喪至乙未始出按甘肅  
岷州土人利邊地貨潛相結姻邊因之爲寇公相險要設

橋寨分兵防守又諭利害令罷姻邊乃寧已亥還京掌二  
法司事巡按遼東御史強珍劾倖闖汪直妄殺東邊人冒  
賞而兵部阿附奏行直誣懇珍詔以檻車逮珍下詔獄公  
抗疏伸珍擊直珍竟戍遼陽公奪俸數月道士以黃白術  
干湖廣總兵李震不售誣首震自南京回舟次洞庭招亡  
軍爲亂直奏逮李氏百口至京獄官鑿鍊已成憲皇恐寃  
之改命法司官讞衆皆惴辟公列狀以上卽日磔道士於  
市戒戢直緝事者直百計害公亡從偵隙壬寅八月滿三  
考晉山東按察副使瀕行却李震饋謝千金癸卯監秋試

靈寶縣志

卷之六

藝文下

碑銘

九

諸使置貴臣子於第公堅守不可弘治戊申正月晉廣西  
按察使二月晉右僉都御史巡撫大同北地人欲入邊未  
成計以千人暨馬千乘入貢公請帑銀二萬兩供費嚴防  
而恩洽軍備咸飭庚戌敵入塞列營三十里號六萬公因  
事發謀中燬理緒馬行係帚於尾塵翳障天烽火日夜相  
照敵不亡一鏃云劾奏鎮守石岩貪暴反被所擠辛  
亥右官兗州知府蒞事實簡或問何乃異昔日之嚴公曰  
彼爲官法茲則有司彼不知者將謂予乘威虐下否亦曰  
憤悶不堪甲寅十一月晉陝西按察使乙卯甘肅寇患孔

勅孝皇命大臣往治弗任以公爲僉都御史巡撫甘肅西  
域遂定丙辰八月進副都御史九月詔巡撫陝西時巡守  
官鮮克幹事公令日籍所理每季稽其勤惰太監劉瑯恃  
援恣橫公數禁之一日同舟泛陂造責其惡瑯不孫公奮  
擊之墮瑯水中丁巳召爲戶部右侍郎太原周文端公爲  
司徒協恭合力大釐國計朝政不便者上章諫爭罔限所  
掌孝皇仁孝恭儉禮賢容下每痛孝穆太后上仙之遽求  
其族不獲乃施恩后家但益其富弗假政權而公及文端  
公篤於保治洽全主之忠嘗上言東宮親王則例每畝徵

靈寶縣志

卷之六

藝文下

碑銘

十

銀三分獨以五分厚戚氏是恩有偏施例爲徒具民乃君  
之赤子令以叩聽等田賜戚氏雖蠲原稅非聰等心實同  
奪之栢氏本亦妃親奈何不念先皇而奪其三十年之業  
乎庚申春命勘河間戚氏莊田事竣抗疏言實皆民間納  
糧養馬地土宜令照舊管業不得行四月命兼僉都御史  
提督宣大軍事貴臣子弟從軍倖功者不樂公嚴大造飛  
語六月奉旨師久亡功事多執拗令回京致仕自後公瑯  
臺臣奏留公及推薦者凡四十八疏乙丑六月武皇即位  
命驛取來京病淋不能行尋命爲兵部左侍郎正德丙寅

四月詣闕下五月晉尚書疏勸武皇敏學止遊以古仁聖  
之君必可師以荒淫之君必為戒京衛官有以賄求者公  
大杖數十於堂權要請託非格一切報罷數上言京軍工  
役之苦且曰永樂間大建宮殿定撥班匠十萬借撥軍匠  
數萬今為內臣占令納錢運灰及磚罪人罰贖奈何以軍  
士當之十月初閣部臺諫共劾闡永成八人道上盤戲請  
誅之期在必克公語同事曰此屬得疎斥足矣果浚其事  
恐有甘露之變是月十日午刻太監李榮在順門傳旨召  
部院大臣榮曰此屬上少所親倚今亦亡大過奈何真諸

靈寶縣志

卷之六

藝文下 碑銘

七

死此屬日夜牽御衣環泣上為罷餐諸臣錯愕莫對公曰  
上富於春秋方當講學恢先帝之業為此曹所誘逸久成  
荒何謂無罪榮曰上行遣矣諸公第歸幹國吏部侍郎王  
公鏊曰如不遣將復留上左右邪榮入是夜內閣劉文靖  
謝文正致仕明日逆瑾出管司禮文臣慘禍往往自設君  
子曰許公之勇可及也知不可及也十一月晉吏部尚書  
已加太子少保公直聲久著風裁愈峻御史某滿三考及  
郎中某員外郎某偕結與授必覲京秩公一日悉外補郎  
中某賂闡永成乃斥守黎平郎中李達忤太宰出守邊方

乃改杭郡工待某同公里開託闕求改吏部公對衆而語  
之日君年尚永秩已不卑循資而往不憂不貴乃托斯人  
速化乎逆瑾嚙公日甚而輔臣畏其沮格所私積怨叢讒  
乃起安定張綵入文選異間公戊辰七月推署員外郎劉  
吉爲署郎中舊典也瑾謂公越選法矯旨令致仕秋感疾  
八月十有八日終於正寢享年七十有四九月瑾伏誅詔  
公致仕已遣日營葬贈太子太保嘉靖五年冬席文簡在  
禮部復議御史陳克宅陳察奏謂公應行謚法謚襄毅公  
銘曰奕奕許氏維周之裔培根枝遂維百斯世爰發厥祥  
靈寶縣志

卷之六

藝文下 碑銘

三

公降適期堂挺孤操聿賦宏才峩峩憲府堅秉大法何奸  
不擊何部不發邊毒斯蜂擾我朔方公底定之險成康莊  
爰貳邦教賢長協圖日上危言日際明主陳力靡績返服  
東厓有截其壁公立與偕再召而起資總文武百僚仰公  
爲周吉公權闢扇虐如林斯焚我持一心可事百君世之  
趨競公辟如汚世之憚棄公履如涂震不及躬天克有定  
綿綿來嗣佐我嘉靖

許莊敏公神道碑

任卬李

時

大寧  
士

資政大夫南京戶部尚書贈太子太保謚莊敏許公既

大司馬儀封王公子衡爲誌其墓公之弟戶部尚書廷以神道碑請乃按狀叙而鑿之公諱誥字廷綸別號函谷公生有異兆出就外傳之年卽治禮經能文未幾與弟松臯公聯芳鄉薦已未登進士第授戶科給事中按劾不避權貴嘗清理邊務邊人懷服不忘乙丑遷刑科右給事中建明均考察諸政各著爲令襄毅公以耆舊起大司馬公乃改翰林檢討庚午以艾喪去位遂不仕杜門究心理學尋用言者薦起爲尚寶丞旣而復謝病歸壬午上改元以通政叅議召公丙戌上聖學日以緝熙命輔臣各舉所知

靈寶縣志

卷之六

藝文下

碑銘

三

以備侍從公被薦改侍講學士屢進講剴切多當帝心上四事皆格要論益蒙眷注尋擢太常卿掌國子監事敦風化尚質行教士以經濟爲學不貴浮譎學者化之初文華殿塑孔子像帝以古制惟用木主欲革近代陋習得公所上道統書甚稱旨卽爲撤去更立伏羲神農皇帝堯舜禹湯文武周公孔子主仍詔輔臣與公九人諭意命各爲講章以進公衍中庸喜怒哀樂章帝是其說自後朔望帝必躬祭祭品必賜公以爲常辛卯開講於無逸殿錫宴幽風亭明日公以無逸篇中宗受命敷之講義上進帝善之士

辰擢吏部右侍郎適當入覲年四方觀聽咸萃都下公嚴  
重絕請托人無敢干以私擢南京戶部尚書時松臯公爲  
大司徒居北公居南並躋台座世羨其榮歿已請老帝不  
允甲午二月將修朝賀如京忽一夕痰疾作卒年六十有  
四公平生敦尚節行天慙孝友尤邃於理學爲國大臣恒  
以古之大儒自期所著有通鑑前編圖書管見道統源流  
詩考易叅春秋意見中庸本義太極論性學編諸書屢有  
補於正學云詞曰早聞至道聖賢追駕志在經綸霖雨天  
下旣忤宦孽遠投殊方瘴烟蠻風道阻且長天惟吉相終  
靈寶縣志

卷之六

藝文下

碑銘

西

保厥臧生還鄉閭爲道益光聚徒青門究學順真林臯山  
水若將終身嘉靖龍飛泰運鼎新詔起遺賢困抑用伸公  
日行矣明時難再彈冠就道不謀諸內講帷日侍天章之  
對賢關簪合蘇湖教在天子是毗天下是師乃登銓曹百  
工惟時載司計部出納惟期方占大窵遮友赤松著述日  
富先哲希踪公其歸只山峙流淙

許文簡公神道碑

徐

階

大學士

嘉靖戊申七月二十五日前少傅大學士許公卒於家先  
是乙巳冬公構疾乞骸骨甚切上憫留亦甚切乃疏疏懇

辭上不悅曰少傅輕去朕耶其奪秩令歸公行而病逾三  
既還里復廼三載竟因舊患不起又四載嗣子俱起復來  
京師乃始上疏告計叙公病歸顛末上嗟悼曰少傅果非  
負朕者乃悉復公官仍贈少師賜祭葬謚文簡恩禮備厚  
蓋至是而公不獲已之情上眷不忍釋之意益章章焉乃  
俱則請予書諸墓道之石子與公同在秘閣交誼最深胡  
可以辭公諱讚字廷美河南靈寶人性穎悟博學弘治乙  
卯以禮魁於鄉明年進士授大名府推官召爲監察御史  
襄毅位冢宰公例當避臺秩廼改翰林編修時逆瑾擅政

靈寶縣志

卷之六

藝文下 碑銘

五

怒襄毅不已附誣以他事矯詔罷之而並出公爲臨淄知  
縣丁襄毅憂服闋陞浙江僉事陞副使理海道改山西提  
學政至則先德行而後文藝士習丕變歷陞四川叅政按  
察使浙江左右布政使召爲光祿卿轉刑部侍郎拜尚書  
先是揚州商袁英者武廟南狩錦衣指揮施恭怙權璫勢  
矯詔籍其家至是英妻訴聞屢公訊理權者且偵伺鼓釁  
爲挾持計公不爲動竟寘恭典當時復有薛侃迎親藩之  
議詹啟訐銓部之詞張紳之薦劾朝紳劉永昌之誣詆省閣  
皆事關國紀連及大寮甚衆諸司恐懼失措公從容裁決



持法甚平務存大體上悉從之而縉紳賴以安改戶部尚書河南軍餉舊兌於大名府小灘有奏改他鎮者公曰利不百不變法乃今增役創置勞費且十倍勿改便又有議令有司積穀備荒以多寡爲數最者公曰預備既有倉令舍此而別積穀走增苛歛勿從便兵部議興甘肅屯田發銀三十萬兩公曰兵弱敵強士不得耕徒損國儲非計凡所規措務循舊則數報罷新議曰毋徒徇名貽害也以鹽法久滯疏陳諸弊列通商事宜皆經久可行聞高太夫人病䟽乞終養不允令給驛歸省高卒哀毀踰禮時吏部缺

靈寶縣志

卷之六

藝文下

碑銘

六

尚書廷推數人上皆不許詔特起公候服闋蒞事其爲上所簡用若此旣至乃首䟽决壅滯公薦舉復久任停無故改調之途抑奔競濫陞之習上皆嘉納六載考績加太子太保己亥冊大禮成加少保扈從聖駕南巡䟽節程途以保聖躬上褒答勞錫之辛丑廟災引咎乞罷詞甚切詔許致仕給驛歸上雖從公請而意不釋吏部復缺尚書廷推數人又不許仍起公蒞事至則䟽尊朝宁正士風一事又上安邊方畧數千言條列諸弊政乞釐治又奏中宮以工臣太濫乞惜名器悉蒙採納甲辰一品六年考績加太子

乙巳太廟  
歸出賜金遍惠  
也  
修五屬山川壇歲且暨聖節  
服孔向稽首祝賀不少廢疾革則謂諸弟曰吾父子  
第俱列上卿吾以涼德受主上寵甚渥知甚深故數履  
危幾卒賴保全今已矣爾輩有官守者當思圖報遂卒公  
德性溫粹意氣凝定坦迤康樂而涇渭不淆直率經畫而  
應變無窮溢官翼翼小心以不欺不怠為主在吏部前後

靈寶縣志

卷之六

藝文下

碑銘

七

凡十年每銓注必論才高下與地繁簡兼風土南北而劑  
量之覈諸司公而恕或疵以細故飛語悉置不行以是人  
德之好著述老而不倦所著有松臯集續集讀史詩論五  
經臆說三曹奏議若干卷嗚呼公之德澤在四方勲績在  
省闈孝友在家庭懿行不可殫述乃予特撮其大者云爾  
銘曰嵩華之間河洛瀆桃林葱鬱佳氣屯元戎卜宇貽厥  
孫有來八葉開祥源名世者出勲業掀纓紱軒駟輝盈門  
公尤行業軼弟昆粹姿雅韻同與璠銓衡繼秉譽望尊遂  
參鈞軸人台垣聽言藹若春風溫譎議勃發淇河奔豐功

偉績銘彝敦上書謝病卧邱林抱忠耿耿歸幽窀上聞悼  
恤恩禮繁心事懃如朝日燉浩然正氣還乾坤直騎箕尾  
謁帝闈扶翊邦國保元元神之下上公猶存

祭文

祭關龍逢文

唐王勣

歲月日謹以清酌之奠致祭夏忠臣關生之靈曰聖貴達節賢貴識時與亡有運用舍有期焉河暴虎前哲所唾身滅主喪如何勿思我因行役歷於荒祠壯山河之舊壤歎墳隧之餘基松枯栢悴草密苔滋託深悲於薄醑魂有靈而嚮之

祭許四公文

明王田

嘉靖三十三年知靈寶縣事王田致祭名臣太子太保吏

靈寶縣志

卷之六 藝文 祭文

九

部尚書累贈柱國少傅大學士許襄毅公曰惟公才兼文武名動華彝身係安危功高社稷若太子太保戶部尚書許莊敏公地鄉重寄國師隆儀德懋啓沃道崇著述少師吏部尚書大學士許文簡公任能命德補闕保躬剔歷三部弼亮四朝太子太保兵部尚書許恭毅公九邊圖論三捷軍功簡任中樞威宣外徼誠所謂世篤忠貞咸當崇祀者也惟茲仲秋謹以剛鬣柔毛粢盛庶羞用伸管薦

傳

楊尚希傳

楊尚希弘農人也。祖真。魏天水太守。父承賓。商直。浙三州刺史。尚希。韶。亂而孤。年十一。辭母。請受業。長安。涿郡盧辯見而異之。令入太學。專精不倦。同輩皆共推服。周太祖嘗親臨釋奠。尚希時年十八。令講孝經。詞旨可觀。太祖奇之。賜姓曹。六茹氏。擢爲國子博士。累轉舍人。仕明武世。歷太學博士。太子宮尹。計部中大夫。賜爵高都縣侯。東京司憲中大夫。宣帝時。令尚希撫慰山東河北。至相州而帝崩。與

靈寶縣志

卷之六

藝文下 傳

三

相州總管尉遲迴發喪於館。尚希出。謂左右曰。蜀公哭不哀。而視不安。將有他計。吾不去。將及於難。遂夜中從捷徑而遁。遲明。迴方覺。令數十騎自驛路追之。不及。遂歸京師。高祖以尚希宗室之望。又背迴而至。待之甚厚。及迴屯兵武陟。遣尚希督宗室兵三千人。鎮潼關。尋授司會中大夫。高祖受禪。拜度支尚書。進爵爲公。歲餘。出爲河南道行臺兵部尚書。加銀青光祿大夫。尚希時見天下州郡過多。上表曰。自秦并天下。罷侯置守。漢魏及晉。邦邑屢改。竊見當今郡縣倍多於古。或地無百里。數縣並置。或戶不滿千。二

郡分領具察以累資費日多吏卒又倍租調歲減清幹  
才百分無二動費數萬如何可覓所謂民少官多十羊九  
牧琴有更張之義恐無膠柱之理今存要去閑併小爲大  
國家則不虧粟帛選舉則易得賢才敢陳管見伏聽裁處  
帝覽而嘉之於是遂罷天下諸郡尋拜瀛州刺史未之官  
奉詔巡省河南還除兵部尚書俄轉禮部尚書授上儀同  
尚希性弘厚兼以學業優通甚有雅望爲朝廷所重上時  
每旦臨朝日昃不倦尚希諫曰周文王以憂勤損壽武王  
以安樂延年願陛下舉大綱責成宰輔繁碎之務非人主  
靈寶縣志

卷之六

藝文下 傳

三

所宜親也。上懼然曰：公愛我者。尚希素有足疾。上謂之曰：蒲州出美酒。足堪養病。屈公卧治之。於是出拜蒲州刺史。仍領本州宗團驃騎。尚希在州。甚有惠政。復引瀼水立隄防。開稻田數千頃。民賴其利。開皇十年卒於官。時年五十七。謚曰平子。及嗣後改封丹水縣公。官至安定縣丞。

魏德深傳

魏德深本鉅鹿人也祖冲仕周爲刑部大夫建州刺史河  
家弘農父毗鬱林令德深初爲文帝挽郎後歷馮翊書佐  
武陽司書佐以能遷貴鄉長爲政清靜不嚴而治會興  
遼東一役徵稅百端使人往來責成郡縣於時王綱弛紊  
吏多賦貲所在徵歛下不堪命惟德深一縣有無相通不  
竭其力所求皆給百姓不擾稱爲大治於時盜賊羣起武  
陽諸城多被淪陷惟貴鄉獨全郡丞元寶藏受詔逐捕盜  
賊每戰不利則器械必盡輒徵發於人動以軍法從事如

靈寶縣志

卷之六

藝文下 傳

三

此者數矣其鄰城營造皆聚於聽事吏人遞相督責晝夜  
喧囂猶不能濟德深各問其所欲任隨便修營官府寂然  
恒若無事唯約束長吏所修不須過勝餘縣使百姓勞苦  
然在下各自竭心常爲諸縣之最尋轉館陶長貴鄉吏人  
聞之相與言及其事皆歔歔流涕語不成聲及將赴任傾  
城送之號泣之聲道路不絕旣至館陶闔境老幼皆知見  
其父母有猾人員外郎趙君實與郡丞元寶藏深相交結  
前後令長未有不受其指揮者自德深至縣君實屏處於  
室未嘗輒敢出門逃竄之徒歸來如市貴鄉父老月涉艱

險詣闕請留德深有詔許之館陶父老復詣郡相訟  
鄉文書爲詐郡不能決會持節使者韋壽杜整等至兩縣  
詣使訟之乃斷從貴鄉貴鄉吏人歌呼滿道互相稱慶館  
陶衆庶合境悲哭因而居住者數百家寶藏深害其能會  
越王侗徵兵於郡寶藏遂令德深率兵千人赴東都俄而  
寶藏以武陽歸李密德深所領皆武陽人也以本地從賊  
念其親戚輒出都門東向慟哭而反人或謂之曰李密兵  
馬近在金墉去此二十餘里汝必欲歸誰能相禁何爲自  
苦如此其人皆垂泣曰我與魏明府同來不忍棄去豈以  
靈寶縣志

卷之六

藝文下 傳

三

道路艱難乎其得人心如此後與賊戰歿於陣貴鄉館陶  
人庶至今懷之時有櫟陽令渤海高世衡蕭令彭城劉高  
成臯令弘農劉熾俱有恩惠大業之末長吏多賊汙衡高  
及熾清節愈厲風教大洽獄無繫囚爲吏人所稱



太保許恭襄公傳

汪道昆

當世世家首稱靈寶許氏蓋世及卿相應中四極人臣作  
始則襄毅公代興則莊敏公文簡公恭襄公並以勲伐名  
世不倖待罪郎吏再得事恭襄公襄毅公有子如高陽公  
其季也高太夫人以弘治乙卯生公幼從襄毅公歷邊事  
輒以搦戈布陣爲戲喜談兵始就外傳善屬文襄毅公心  
奇之旣冠而字之曰廷議正德己卯舉鄉試第四越七年  
成進士奉使餉榆林邊士氣勃勃自負

出理刑州以無害課宸會仲叔並列卿貳例格臺

靈寶縣志

卷之六

藝文下 傳

七

垣尋進職旣終高太夫人喪補禮部奉 詔進九邊圖論  
世宗嘉納之見者咸以爲切中時宜卽擢直無讓歲庚子  
由尚書郎進南京光祿少卿尋遷南京大理寺丞釋囚注  
敬劉鎮冤獄會邊事起兩京交薦公可備急邊會推京兆  
撫臣署公名居次 上曰是嘗上九邊圖論者遂都察

院右僉都御史撫薊州公始入軍上備邊十二事要以振  
律宣威汰冗蘇困居常選鋒團練攢槽飼秣士馬一新自  
通事結賊入邊襲殺守備大掠而去公督將士設伏出奇  
斬白通事及首賊四十人捷聞進右副都御史揚公

屢諸要害築邊城增敵樓造營房計出萬全登陴可守  
以勞致疾請告西歸庚戌賊大入薄郊關廷臣詔薦公可  
屬大事 上覆閱圖論驗公蚤見亟 召公嚴嵩故不可  
公公顯闕下踰年得 命出撫山西公籌山西一如籌薊  
上書力節互市厚戍嚴關查查數十章無不剴切乃設亭  
郭謹烽火列拒馬佃營田部署周詳屹然足當山河之固  
矣賊犯柞子塢不得入乃伺大同龍鬚墩公集精銳邀擊  
之賊挫復入公親援鼓護軍血戰以捷聞詔進兵部右侍  
郎賜金幣獎諭壬子八月賊犯紫荆關公督八營兵布入

靈寶縣志

卷之六

藝文下 傳

五

陣厚持之賊聞而遁時公業已受召協理京營公奉 靈

書爲植不佞越在版築從公周旋比訖工公不與賞時雲

中上谷饑甚釋憾者出公督府且拜公甫出關檄傳雲中

兵敗殺副將公笑曰治亂如治絲也急之益棼亟發條約

懸書徧諭之間伍乃輯公疏其狀乞假歲月以布 恩威

上心然之手條約置坐側公既至申令誓師吾家世受

國恩直將奉不肖之軀以徇爾曹超距之日久矣寧避疆

場而就市曹意懇辭嚴人人感奮旣以軍興不給亟請發

度支通鹽筴足芻糧廣轉輸密綜核比年不歲不旬月而

獲矣妖民呂鶴結敵人敵以潛師從公決策擒鶴斬之獻  
馘者四十 詔進右都御史則以應卒而制勝居多鶴既  
滅敵旋馬西向公既敗之紫塞八角追襲俘馘百七十有  
奇 詔進兵部尚書廕一子世襲錦衣衛千戶總督如故  
甲寅敵運營犯瓦剌口公業已完聚備之敵嘗我軍佯遁  
旋入公督諸軍奮擊俘馘百四十有奇明年秋敵入掠獨  
石其首僚各大舉四十萬衆敵山西公分部發兵遣輕騎  
搗其穴據險設伏夜出銳師破其營敵狼籍分崩死傷不  
可勝紀復犯龍門火石嶺公勒標兵尾擊之至響水鋪出

靈寶縣志

卷之六 藝文下 傳

三

不虞募死士持刀斧乘夜突敵中所觸糜爛敵大潰墜  
崖竄谷膏血川原伏兵悉起來攻聲震數百里火鼓徹夜  
不絕明發殘寇踉蹌而聚號泣而遁公乘勝躡之俘馘五  
百三十 詔加太子太保廕一子世襲正千戶 上益多  
公伐入爲兵部尚書于時北邊南倭警息日至 上患倭  
與患敵等集郡議下本兵公折其衷上平倭凡事諸軍謹  
奉廟畧悉中機宜丙辰倭入淮揚敵入寧夏諸軍戮力驅  
勦悉從本兵受成前邊虛何項間邊馮天恩會寧邊計以  
明陳孔榮各負固稱兵有司遞上變夾策誅首事者餘黨

悉平。上故眷公習兵下手扎問邊方大計公撥其  
事以對悉當上心大同右衛孤懸寇圍不解公陳六事  
要策之詳太率主於振勵積衰責成專任言者佞倂告急  
請罷本兵憾者主之公遂免已未敵大掠灤西上曰勸  
遼督府務得人朕欲仍用許論命甫下驩聲震邊隅公  
遽上便宜申條約以如嚮法庚申敵復大舉  
掠東西公業已完繕亭障簡練部伍不遺餘力邊白窺  
敵不得間入夏不解春防無何伺大水峪聚精騎傳諸堞  
計無堅不瑕公登陴誓諸軍力戰而卻

靈寶縣志

卷之六

藝文下

傳

毛

以聞上賜金幣軍中尋下譽命憾者無所釋擿以虛報邀  
功輒獻六俘面詰乃寢公既經畧邊徼分爲十區各以憲  
臣監之區分衝援爲主守兵分竒正爲椅角至今從之歲  
大稔列戍嗷嗷待餉公爲之請賑言者以亟請擿公遂罷  
公核諸軍實無闕出入乃已丙辰冬十月公自理喪具端  
坐而終年七十二昔在庚子公守南宮一羽人遺公書稱  
默齋太司馬默齋公別號也歷十有七年而徵當公節市  
一巨星若盤盂隕西北殆亦天授豈惟世德乎公問于文  
事優率以用武顯終始家邦身繫邊圉安危者三十餘年

功計者二萬三千降者二千寇首旗纛車馬器械  
肉獲計者三萬五百修築邊牆以里計者四千墩堡以座  
計者三千人言襄毅之有恭襄猶絳侯之有條侯驃之  
有冠軍也顧襄毅阨於寺人恭襄阨於執政卒使齋志以  
歿底績未遑其成其虧是或天道得全難矣 穆考卽位  
公子淡詣 闕上書詔復故秩謚恭襄諭祭九壇遣中書  
劉天衢營葬公配河東李氏累封一品夫人始生倓倓以  
任子歷二千石守衡州長孫茂樞任執金吾次茂 任弘  
農萬戶進遊擊將軍成昌平曾孫二長浩然次廓然公之  
世澤未艾也左司馬氏日不佞道昆故受先大夫戒卽與  
聞兵事絕口不談頃烏寇入淮螯運道議遣故右司馬江  
公部兵出討簡二部郎以從公首署不佞名疏入矣人言  
耶未嘗譚兵事公安取郎公笑曰是唯不談視談者賢矣  
竊惟公弘廓深遠片言千鈞玉立温温不色喜怒卽公目  
屬不佞無繇吐一辭爰及任人較若衡石儼然大臣之度  
其亦諸先正家法邪昔襄毅右孫忠烈以疎得之卽不佞  
非其人公象賢矣不佞竊爲公立傳其詳具詞以新鄭相  
公志中

陝虢觀察使盧公蒙銘

穆 貞

唐貞元四年夏六月陝虢都防禦觀察轉運等使陝州長史兼御史中丞范陽盧公壽六十中疾於位優詔得謝家東都履信里秋七月甲戌終於其寢冬十月乙酉歸於此堂禮也萬安之腹因山而封嵩邱伊流環帶捧抱龜筮叶吉神宅是宜府君諱岳字周翰其先齊太公之後公子高奚食萊於盧因以命氏及自東漢中郎植及元魏秘書監陽烏第四子都宮尚書道虔凡十葉代代得祿其兄子思道所著家譜詳之道虔生齊左庶子昌衡昌衡生隋澤州

靈寶縣志

卷之六

藝文下

五

內部長寶素寶素生皇朝綿州長史安壽安壽生汝州司馬正紀正紀生絳州聞喜令杭惟是婚姻其類為義方禮襲禮樂冠蓋侔其盛焉府君聞喜之第二子也發地之祥鍾天之和處為孝而友悌從之出為忠而貞諒從之無於事物為聰明純粹而寵位從之天寶末擢明經調宋州縣邑主簿歷婺州夔州二錄事參軍以大理評事兼江州刺史始佐湖南觀察之政前帥韋之晉倚之以清後歸李杲籍之以直既真拜又稱遷殿中侍御史京杲入朝留府時有驕將數人京杲實父子兄弟之其蹈

以爲順府君告之以刑辟明之以無赦而郡  
戮之由是軍政理而憲政舉初朝廷之任京杲也  
用不責之以龔黃之績至是還之不可易之不能  
所以盡府君之美若是者五載累錫銀印朱紱金章  
加侍御史建中初今上嗣位有自屬部謫官入爲相者請  
公才膺方鎮受容府經畧招討等使就加御史中丞南越  
滙俗并稅之入鮮具其布帛之幅通流之貨悉異中土府  
君以美利利之王制制之又每歲有西原之警府君布政  
群盜爲人元年季春賦入貞元三年來朝拜少府監上以

靈寶縣志

卷之六

藝文下

墓誌

三

陝郊之守藩垣二京冠冕諸夏非沃心之臣勿授前此元

臣授之是爲郡伯

今相國李公自中書侍郎徵拜

思嗣其事重難其選府

君於是乎有由表之拜惟事小不敢不戒大不敢不懲口

嚴祇恪惟新厥舊由是軍服其嚴明而報之以肅吏從其

簡易而報之以理惜乎其自下車及邁癘不十月焉嗚呼

有其才無其時之嘆不甚於有其時而無其命令之方

蓋唐虞四岳十二牧之職而周漢股肱爪牙之任府君

堯之咨庸舜之俞累分其理之憂方咨薄代之効凌風

翼徘徊於冥冥之間何天奪上心而命孤人望是可以

嘆歎府君前娶隴西李氏實姬姜之偶先春早落今也力  
不及遠未遑合祔繼室以同宗同德而年位異之三子載  
戮戡長齒未童幼哀及禮洎兄子嘉猶稟伯父永州司馬  
嶠之命泣血襄事見託於銘詞曰

世重五姓冠於百族倬彼山川來宗嶽瀆帝慈蒸黎命分  
司牧慎選良臣俾之戩穀荷歟府君受天之祿未見其止  
如何不淑邱隴何所郊原重復瑞氣嘉祥於是乎育前川  
爲陵北地爲谷世系德代於是乎獨



余渡黃河卽問其所爲函關函關者關尹喜受經處也老  
聃將過函谷尹候氣輒先知之厥後尹作文始經行世蓋  
亦仙尹也獨是紫氣之說渺而難稽以孔子之盛德光輝  
過都越邦曾無望彩而知之者而柱下老史行色動機反  
與後世紫雲烏龍者同瑞則其果無乎或曰獲石於織女  
則星犯斗牛加足於帝腹則星干帝座又何疑於大仙耶  
余曰不然星附天者也有屬氣因地者也無主背斗牛紫  
氣術者多謂吳興雷煥於豐城掘劍紫氣遂無豈非因乎

靈寶縣志

卷之六 藝文下 論

三

地耶煥所得劍後化爲龍蓋龍之所至往往感生紫氣孔  
子謂老子猶龍後人聞其遺跡遂附會其說耳卽曰有之  
亦繫適逢其會蓋函關緊逼河流水氣上騰往往烟斜雲  
橫不足爲高人兆也今關西客路南移而古驛村亭止舊  
在一帶高岡直枕流水每晨夕則烟凝山紫余以客餘時  
縱目其間殊覺出塵不比新驛黃埃盈尺吾聞仙家每好  
清淨之說又聞龍行舊路仙踪可復余其旦暮遇矣

詩

黃河澄清 以下四言

明世宗御製

丁亥季冬十有六日河南之省靈寶之邑黃河澄清拖練  
湛璧越之四辰官占叶吉縣吏來報戊子之春乃命禮曹  
詳考其因宗伯獻夫述奏以申謂禮宜賀率屬表陳予慚  
弗允益勵恭寅請謝河伯朕許曰然既而復思斯本自天  
遡源徂流禮有後先遣官馳往秉其精專甲申告吉露拜  
成虔祀禮已成仰賀蒼乾帝垂鑒歆稽首拳拳永懷庇眷

靈寶縣志

卷之六 藝文下 詩

三

勉進德焉既而群臣舞拜致賀余心甚愧稱之太過二三  
輔臣作歌以頌錄以來呈其嗣雍雍忠誠且悉心德協一  
尚賴匡弼勿或墮逸蒙帝錫瑞四海寧謐德進業修罔敢  
自失大道當欽祖憲遵悉是訓是行恐恐慄慄政務惟善  
民困惟恤唐虞之盛吾欲與匹

夏日過雲林寺 以下五言古

許茂枋

碧天無雲色永日增炎燠杖策拂塵襟偶適南山麓映壑  
蔭蒼松綠墻出新竹深林闢清梵隱隱見茅屋初疑無路  
入攀蘿隨樵牧逶迤盤磴道石轉通前隩庭宇散香煙澹

然如新沐僧持貝葉經擁衲向聲讀自憐塵俗顏日月幾  
馳逐感此娛悅心永欲絕煩憂

喜雨

劉穆 太常少卿

桃林戊子春久旱氣炎熇大風揚塵沙空陣兼暍目我來  
祀瀆宗奉命極清肅竣事欲啟行興雲彌川谷頃刻雨  
澍霏豈惟曰霖霖焦土成沃田萬井俱霑足三農交稱慶  
早見艾種稔我亦笑顏開不惜留信宿河清徵太平豐年  
茲可卜

函谷關歌送劉評事使關西

以下七言古

岑參

靈寶縣志

卷之六 藝文下 詩

七

君一覽古巖關崩城敗壁至今在樹根草蔓遮古道空谷  
千年長不改寂寞無人空舊山聖朝無事不須關白馬公  
孫何處去青牛老人竟不還蒼苔白骨空滿地月與古時  
長相似野花不省見行人山鳥何曾識關吏故人方乘使  
者車吾知郭丹却不如請君時憶關外客行到關西多寄  
書

瞻紫樓

劉咸

昔人已乘青牛去海濶天高幾昏曙空餘百人望氣臺至  
今猶在經行處傳流當年函谷關常有紫氣來其間世人

俗眼不能識往往輕視如等閒惟有關門令尹喜自得異人至築臺望望未多時果遇東周柱下史從容授以道德經五千言文皆至精飄然拂衣不肯往移車又向川西行川西迢迢路修阻喜即辭官遠趨赴青華觀裏忽相逢一笑呼名死如故此地傳道實所宜如何又向終南期遂令喜也雙倦足終歲碌碌無寧時青牛老人去不返寂歷荒臺猶在眼登高而披基考遺蹤落日亭亭正春晚

雞鳴臺

劉咸明  
明會事

七國雌雄未分日羸秦自恃強無敵一朝相得孟嘗君委

靈寶縣志

卷之六 藝文下 詩

三

任傾心絕嫌隙如何忽信讒言欺立命下因將殺之智士困窮計無出只應求解王幸姬幸姬所用惟巾櫛何事亦愛孤裘白先時已入秦藏中於今欲求寧再得堂中養士三千人豈無一人能致身中有善爲狗盜者從容竊出如有神遂將此物爲姬獻始得一言緩厥譴故歸實出望外恩尤恐後難弗得免急騎駿馬從東還兼程一夕至函關關法雞鳴方出客寸心展轉難爲安就中又有奇謀士作雞鳴宛相似野外雞聞亦亂鳴關門乍起追兵至孟嘗脫身出虎狼還齊猶自心不忘殷勤欲計向時事築台特

向關之傍人聞俯仰成今昔豪華轉眼皆陳跡人去台空  
亦可憐歲歲東風土花碧

泮池

弘農古治隸天中河洛淵源文字雄我我聖廟東南立千  
尋松檜倚高風清風冉冉拂松檜拱珪環壁宮牆外城南  
半畝半池開波光動岩鳴天籟不知此泉鑿何年取象三  
台名育賢前賢擬作涑泗水後令栽培君子蓮灼灼芙蓉  
香襲體養成三尺龍門鯉紅花白花爛中央小魚大魚遊  
池底已看芹藻映清波又見垂楊覆菱荷論文恍似鵝湖  
窈窕縣志

卷之六

藝文下 詩

三

敞講席弘開絳帳多君不見甘泉宮外遊麋鹿此泉千載  
温如玉風水相遭之漣漪文武聯翩標科目接連英英騰  
捷足爲鳳爲麟從可卜

蠲荒復業作長歌記其事

那頌德

漢陽才子氣如龍英英經濟有人風拜命桃林來作宰出  
治不與尋常同憶昔桃林民力三年通賦完不待草長  
尺土無人耕處處門墻思賣帖有子驢犢資征錢石壕  
半停門前欲完國稅應無計地乘城南二頃田幾家  
無他邑仍難賦賦賦賦賦賦賦賦賦賦賦賦賦賦賦賦賦

足立早破民間幾千家沃土自售無人  
壠猶望西成滿籌車更苦清丈無兼併  
原徵已賦又重徵士氣亦教從此空  
禁額外有誅求惟期得緩須更死不  
人才為世出一片仁慈誰能識堂上  
徵收發給各各其苦  
容長太息太息父老多哀鳴云與荒田同死  
言痛民隱策馬戴星過洛城當專嘉  
諫草入金門憂時危論守土責事  
心應凋喪 公也慷慨神益王往復  
益寶縣志

卷之六 藝文下 詩

詩補續上仰天搔首望幾句忽爾雲邊下  
獨租自是

使君仁歡呼市井齊置酒  
未成方識司牧心四十年來成不朽我  
公績端不讓龔黃尸祝之像戴德石  
昔也民不念邦族今日何緣歸舊屋已

肯向他人屋下宿群呼結伴復歸來未  
有官家給牛種耕牛幾具闢蒿萊去家  
幾里帶饑寒厄俄看春燕巢故

美哉今之桃林成之疆十步五步皆康莊舊日骨肉會  
堂相將共蔭召伯棠

老子故宅

以下五言律

唐宗御製

仙居懷聖德靈廟肅神心草舍人蹤斷塵濃鳥跡深流沙  
丹灶沒關路紫烟沉獨傷千載後空餘松栢林

函谷關

于鄴唐人

幾度作遊客客行長苦辛愁看函谷路老盡布衣人歲遠  
關猶舊時移草亦春何當名利息遣此絕征輪

靈寶縣志

卷之六 藝文下 詩

三

前題

宋之問唐人

二百四十載海內何紛紛六國兵同合七雄勢未分縱成  
拒秦帝策决問蘇君鷄鳴將狗盜論德不論勳

前題

揚齊哲唐人

地險崑陵北途經分陝東透迤泉水盡荒涼古塞空川光  
流曉日樹影散朝風聖德今無外何處是關中

秋風函谷應詔

徐賢妃唐人

秋風起函谷朔氣動河山偃松干嶺上雜雨二陵間  
雲愁廣隰落日慘重關此時飄紫氣應兆真人還

昆羅寺

尚汝安

招提卜幽谷空寂少人跡日上山鳥鳴春暮巖花碧農田  
犁輕雲僧房結澗石坐此豁塵緣何當久棲息

函谷

邑人許 倌 知府

雍豫襟喉地往來入貢衢關門臨野障河勢抱城孤層漢  
青牛杳荒臺紫氣紆南山葱鬱處似可避形軀

號野

許 倌

一病憐秋晚頻遊借短筇寒烟廣野樹暮雨上方鐘詩興  
吾將老酒懷誰更濃留連惜光景俯仰但塵蹤

靈寶縣志

卷之六 藝文下 詩

三

關龍逢墓

張 漢

身死忠名見從公朔未曾亡羞借夏日諫敢惕春冰西陝  
餘抔土南荒共舊陵黃圖灰燼後風雨夜燐增

輓韃關

霍濬遠 前邑令

古戍連烽火殘關何處家爭雄嚴虎豹攬勝問桑麻路迥  
雲垂草山深雪覆沙野梅燒不盡春到發新花

陪

邑侯踏勘荒田感賦

郭 暉

數盡洛西苦淒涼古號州呼天依父母何日樂田疇草色  
全欺麥風聲半認秋惟餘樵悴景泣對富民侯



前題

楊州杰

草宅疑無地流民賴有圖人亡還入籍土闕却懸租但得  
一分減不教積歲逋同天今有力切莫厭菜蕪

桃林牧豎

以下七言律  
靈寶八景

王道暉

千古桃林自不磨於今仍聽牧童過出灣朝霽揚鞭穩歸  
路斜陽弄笛多兩兩合成羣友隊聲聲齊唱太平歌維魚  
入夢占年久紅雨春深掛綠蓑

漢廟古柏

仝上

赤帝祠邊古柏深參天黛色自蕭森喬柯直繪英雄梅勁

靈寶縣志

卷之六 藝文下 詩

早

節那愁風雨侵廟貌只今多變易蒼虬從古不淪沉世傳  
樹抄皆東向疑是無忘鄉國心

秦嶺雪樵

仝上

俯視西秦翠嶺間層巒積素似銀山未須粵嶠尋梅去自  
有樵夫踏雪還霽後雲橫凝紫氣月中寒擁渡藍關高人  
此際添吟興一曲陽春和亦艱

黃流晚釣

仝上

洪河浩瀚自天來澎湃奔騰震九垓萬里龍門誰鼓浪一  
竿魚餌泊山隈晚風水蹙鱗紋起夕照波搖錦鯉回聖世

以今虛左席富春誰復釣魚臺

老子故宅

全上

瓊宮梵宇遍天涯紫氣東來是故家河上傳經知過此尼  
山問禮應停車森森翠栢連雲起漠漠蒼苔映日斜千載  
靈符衍道脈于今遺宅鎖烟霞

龍逢古塚

全上

丹心碧血垂青史浩氣忠魂貫日光不計千年存墓塚祗  
期一死悟君王枯楊落葉埋秋水斷碣寒鴉噪夕陽獨向  
西風來展拜生芻未奠已神傷

靈寶縣志

卷之六 藝文下 詩

五

函谷雞鳴

全上

虎踞龍盤勢曲環鴻巖澗水自潺湲泥丸曾悞東封主僞  
曉爭誇夜渡關老子書傳關道妙終童繻棄破天慳聖朝  
無事疎譏察一任狂人自往還

項城暮雨

全上

層巘高懸雲水邊項王遺跡未全湮千林醉影搖紅樹萬  
壑寒光罩紫烟瀑布飛來風浙灑石泉激處雨連綿可憐  
漢楚爭雄地暮景凄其倍黯然

三堂風雨

賈島 唐人

無窮草樹昔誰栽  
新起臨湖白石臺  
兩岸泥沙孤鶴立  
三堂風雨四門開  
荷翻團露驚秋近  
柳轉夕陽過水來  
昨夜北樓堪卽詠  
號城初鎖月徘徊

函谷關

胡宿 唐人

天開函谷北關中  
萬古驚塵向北空  
望氣竟能知老子  
棄繻何不識終童  
謾持白馬先生論  
未抵鳴雞下客功  
符命已歸如掌地  
一丸曾誤隗生東

靈寶咏古

劉咸 明河南金事

女郎屹立佛頭青  
蘆澗桃林四望平  
河北有書傳虎渡  
關

靈寶縣志

卷之六

藝文下 詩

三

中無客聽鷄鳴  
講書堂對樂巴墓  
望氣臺臨項羽城  
最借龍逢遊地下  
至今青史播休聲

和韻

曹璉 河南金事

停驂遠眺峴山青  
萬頃桃林一掌平  
望氣有臺惟兔跡  
講書無院祗蛙鳴  
萋萋碧草龍逢塚  
漠漠寒烟號仲城  
最是女郎仙隱處  
蕭蕭古木送蟬聲

東厓

許進 邑人尚書

天肇靈山自幾年  
龍翔虎伏巧相聯  
脉蟠震地含清淑  
秀對靈宮啓俊賢  
鬱氣溟濛春雨密  
回厓翠嶺晚霞鮮  
投壘

又得東厓勝相望終朝似有緣

黃河

同上

萬里黃河未有涯鼎湖東畔鏡光開春風解凍餘寒盡濁浪搏花拍岸來畫舫依依歸遠浦轟雷隱隱到空齋臨流莫羨乘槎者神灑飄然極九垓

禹王廟

同上

慨昔唐初昏塾中民居無地豢蛇龍當時元自行無事後世於今仰聖功寰宇有形水土奠乾坤不盡廟祠崇閑來弔古龜原上樹擁窮碑野草豐

靈寶縣志

卷之六

藝文下 詩

聖

老子故宅

同上

桃林北去大河濱故宅依依畫掩塵令尹詎能知異兆至言緣欲授斯人青牛關上征騾度紫氣天邊暮靄勻仙轍千年無覓處遺編祇好伴閑身

弘農澗

同上

澗號弘農世累遷水聲汨汨白當年涼霄月午書窓靜清晝門扃篆縷旋亂入松風咆虎豹細兼竹雨響笙弦閑愁都付潺湲去清徹靈臺興欲翩

泮池

許 詩 尚書

活水源頭何處是伊川東去此西來元精已會天成器盛  
世寧無開出才萬里雲霄縱變化九天風雨浪奔頽澄瀾  
未許塵眸看欲覓濂溪藕節栽

老子故宅九日感事 二首

許論 尚書

宋玉愁多不耐秋興來扶病強登樓襟披函谷三秦勝日  
豁黃河萬里流動業難憑駒過隙文章無用雪蒙頭西風  
好認參軍帽我是平生馬少游

九日江頭載酒行主人意重客心傾蒼波望極孤帆杳白  
鳥飛來雙眼明物外季真難適俗飲中元亮不耽名茱萸  
插處偏多感惟底都稱太瘦生

靈寶縣志

卷之六

藝文下 詩

四

老子故宅

謝江 明給事中

地開層閣倚空寥秋日登臨爽氣饒危棟影移蓮岳近懸  
珠光射海雲搖鳳螭輦過雙童引羽節霞翻列聖朝凭覽  
誤疑人世外興來欲訪赤城標

太白星傍飛紫閣洛陽羈客屢登遊平觀青嶂窻前擁倒  
聽黃河檻外流細管疑從天畔落五雲徧向藥宮浮還丹  
妙訣人難過悵望函關有跨牛

七夕登猶龍閣

荆時薦 解元進士

獨上高樓望沃壤，江寒月冷罷吹簫。天連伊闕山還斷，  
偶已林鴉自送夜。靜流螢分羽扇水，沉蓮露轉星杓湘。酒  
只共銀河遠，便借仙人鳥鵲橋。

望氣臺

陳棐

至人原自識仙風，瑞靄丹霞遠鬱葱。靈跡纔辭周柱下，祥  
氛已入古關中。不從紫氣臺端候，何得青華觀裏逢。欲訪  
乘牛求寶籙，願隨鶴駕遍瑤空。

女郎山

彭範

明給事中

萬丈丹崖上，女郎仰尋石徑路。茫茫平曠華嶽三峰近，俯

望寶縣志

卷之六

藝文下 詩

望

視洪流一線長，虎嘯陰風昏白晝。馬嘶落日暗紅光，壯遊  
始發十年約。欲向山靈問雨暘。

泮池

梁儒

前邑令

泮池池畔草菲菲，內湧珠泉透泮闕。三眼中分朝聖闕，一  
流西轉抱河磯。紛紛亂迸珊瑚樹，泛泛齊噴瓊玉璣。只水  
興波雷雨震，潛龍應起傍天飛。

朱陽故城

同上

郎山聳翠靄雲巔，古柏森森漢廟前。華蓋風搖篩碎日，濃  
陰澗覆冷流泉。龍筋旋遠經霜茂，鶴骨翩翩帶露鮮。怪到

長春渾不老蒼蒼鱗甲度年年

御題寺

同上

御寺森森倚日雄  
爐烟靄靄梵王宮  
風飄蓋舞翻雲白  
雨逐花飛落井紅  
神室幽香靈宇接  
峯巒聳翠慧門通  
欲知寶刹天開日  
碣上留詩頌德宗

李門三烈

同上

柔腸割斷植綱常  
羞見狂氛暗自傷  
沒後猶思掩玉體  
生前忍教點衣裳  
貞心慷慨三更淚  
烈節悽其六月霜  
共燦一門留史冊  
九泉枯骨至今香

靈寶縣志

卷之六

藝文下

詩

吳

前題

張瑤芝

昧旦相期弋雁鳧  
驚聞中夜起鳴狐  
貞心誓守羅襦結  
玉骨甘同習井枯  
含笑泉臺從姊姒  
傷心繡祿失嬰雛  
經過荒草埋香處  
楓葉蕭蕭啼鷓鴣

女郎山

同上

千仞峯頭振佩聲  
青山從此托芳名  
深湫時護蛟龍氣  
空翠遙連華嶽晴  
古梵毘羅依絕壑  
漢祠蒼栢挺餘榮  
捫碑欲問盆中石  
風雨翛然出殿楹

老子故宅

同上

閘道流沙馭不還猶龍舊窟尚依然五千寶字琅函裏百  
二雄關傑閣前隔岸飛鳧分晉水遙空舞鶴破秦烟宦遊  
亦許探靈跡惟有傳經愧昔賢

龍逢塚

同上

夏社難尋舊古邱直臣抔土自千秋黃圖已向君前毀白  
骨誰從地下遊野徑莓苔封古碣破楹風雨近危樓拜瞻  
遺塚懷忠謹彷彿髮眉正氣浮

學宮

惠博

巍巍聖廟對城闈斗映堯飛次第新砌栢綠苔紋已古亭

靈寶縣志

卷之六 藝文下 詩

七

碑丹篆字猶直諸生瞻拜威儀肅萬禩欽崇俎豆裡自是  
文功能不朽會看桃李奪先春

雙虹橋

霍濬遠 前邑令

函谷關前起朔風弘農古澗水淙淙河水拍岸舟難渡雪  
浪崩沙馬未通野店砧聲催九月份橋人影亂雙虹成梁  
有令占龍角莫使嚴寒客路窮

女郎山

同上

層巒步蹠叩仙名仄路人從天半行黯淡翠微開曙色迷  
離紫霧鎖春晴小橋斜井松枝古別剎荒蘿野寺明最是



靈泉一勺水年年吹雨潤蒼生

號州古城

同上

風度函關掃碧秋寒泉日夜為誰流三堂遺蹟留衰草二  
號殘碑勒戍樓林外烟雲迷古道村中燈火遍芳洲那堪  
月落孤城冷野寺跡鐘怯夢遊

朱陽故城

同上

長河沙徑馬蹄輕古戍陰陰野鳥鳴赤縣久墟餘舊壘遺  
民還聚住荒城雲邊路遠秦山色樹裏河流洛水聲行過  
柴關頻問俗新詩片石漫題名

靈寶縣志

卷之六 藝文下 詩

哭

漢栢

同上

鴻溝一割自西東龍準丰儀百代雄  
豐沛酒旗傳故里未央花影認遺宮  
雲凝鴟吻疑真氣聲人虬枝憶大風  
赤帝從來多豁達應知泉下慰重瞳

函谷關

同上

巍閣屹立大河通把酒凭欄四望空  
紫氣無踪虛夜月金雞有信度秋風  
雖云形勝三秦險何似衣冠萬國雄  
不用泥丸封谷口鶴鳴山應韻和同

和韻

楊州杰

天開樓臺四面通重關勝槩倚長空潺湲澗咽秦時雨  
塹城餘漢代風山勢北臨三晉險地形東控二陵雄客來  
不用雞鳴度今日車書萬國同

號州古城

卯顯極

離離禾黍故城秋敗堞殘祠枕碧流岳武金戈沉北號岐  
王賓客散西樓開方舊驛曾埋草湖上新亭半作洲惟有  
秦山明月在紅亭綠水共誰遊

過仙令尹喜宅懷古

楊州杰廩生

莓苔滿徑燕還飛得叩仙關是息機丹洞東山留石磬白

靈寶縣志

卷之六

藝文下 詩

吳

雲北閣護松扉騎牛人去遺經在題壁詩殘故老稀自采  
溪毛作茶供道人穩卧舊荷衣

問淇亭

卯顯極

卜築淇亭秋暮時萬竿綠竹最相宜鳴琴嬈嬈窻前月直  
節菁菁堦下枝勝地欲留千載真賓筵還讀數章詩髦年  
淇水人如在退食從容一問之

和韻

楊州杰

琴堂退食晚涼時徧植新篁與地宜晶舍團團留月影雕  
欄曲曲映花枝山公林裏曾携酒衛武筵中只頌詩淇水

清風高百代吟成素壁欲揮之

邑侯蠲荒政成感賦

陳主策 邑理藩院院判

邑界西南灌莽多新來召父意如何  
鄧林靄沛桃林雨湘水恩流洛水波  
數紙風雲經部豁萬家烟火復巖阿  
慚余匏繫江十上也附征鴻矢好歌

登老君原觀後閣

呂謙恒

飛閣凌空四望開登臨永日獨徘徊  
峯高下見黃河盡天潤遙看紫氣來  
遠樹蒼茫生極浦寒雲蕭瑟鎖荒臺  
關門令尹知何處愁聽孤城畫角哀

靈寶縣志

卷之六 藝文下 詩

辛

一函關道中

張漢

樹引雲光盡日隨入關不厭馬行遲  
鳧留幻影疑仙造鷄恐傳聲是客為  
詎有泥丸封谷口別無紫氣撲人眉  
一官迎餞慚誰我見解嘲譏吟未涯

御題寺 以下五言排律

唐德宗 御製

高僧居淨域客子戀皇宮試訪毘耶室  
旋遊方丈中禪林吹梵響忍草散香風  
妙說三義能談不二宗色空雙已滅  
內外兩緣同識盡無生理乃不覓出几籠

雞鳴臺

李行言

秦郊平舊險周德睿遺黎始聞清夜拆俄見落封泥物色  
來無限津途去不迷空亭誰問馬關戍但鳴雞山月寒彌  
淨河風曉更凄贈言楊伯起非復是關西

虢州西亭觀眺

岑參  
唐人

亭高出鳥外客到與雲齊樹點千家小天圍萬嶺低殘虹  
挂陝北急雨過關西酒榼綠青壁瓜田傍綠谿微官何足  
道愛客且相携惟有鄉園處依依望不迷

三堂  
二十一味以下五言絕句

韓愈  
唐人

靈寶縣志

卷之六 藝文下 詩

三

湖上新亭好公來日出初水文浮枕簟瓦影蔭龜魚

右新亭

汨汨幾時休從春復到秋只言池未滿池滿強交流

右流水

竹洞何年有公初斫竹開洞門無鎖鑰俗客不曾來

右竹洞

南館城陰澗東湖水氣多直須臺上看始奈月明何

右月臺

自有人知處那無步往蹤莫教安四壁面面看芙蓉

右渚亭

靄靄谿流慢稍稍岸篠長穿沙碧簾淨落水紫苞香

右竹谿

聞說遊湖棹尋常到此迴應留醒心處準擬醉時來

右北湖

蜂蝶去紛紛香風隔岸聞欲知花島處水上覓紅雲

右花島

柳樹誰人種行行夾岸高莫將條繫纜著處有蟬號

右柳谿

靈寶縣志

卷之六 藝文下 詩

三

新月迎宵挂晴雲到晚留爲遮西望眼終是懶回頭

右西山

無塵從不掃有鳥莫令彈若要添風月應除數百竿

右竹逕

風雨秋池上高荷葢水繁未諳鳴撼撼那似卷翻翻

右荷池

星布畦堪數枝分水莫尋魚肥知已秀鶴沒覺初深

右稻畦

柳巷還飛絮春餘幾許時吏人休報事公作送春詩

右柳巷

原上花初發公應日日來丁寧紅袖紫懷莫一時開

右花源

却樓乘曉上盡日不能迴晚色將秋至長風送月來

右北樓

非鑄復非鎔泓澄忽此逢魚蝦不用避只是照蛟龍

右鏡潭

朝遊孤嶼南暮戲孤嶼北所以孤嶼鳥與公盡相識

右孤嶼

靈寶縣志

卷之六 藝文下 詩

五

非閣復非船可居兼可過君欲問方橋方橋如此作

右方橋

乍似上青冥初疑躡菡萏自無飛仙骨欲度何由敢

右樣橋

寒池月下明新月池邊曲若不妬青研那成相映燭

右月池

桃林夜賀晉公

以下七言絕句

韓愈

唐人

西來騎火照山紅夜宿桃林臘月中手把命珪兼相印一時重疊賞元功

有賢泉

王子謙

童子

一脈源從天上來，偶分三眼象三台。清流不入濁流派，獨  
遊黌宮育大才。

函谷關

賀賁

明御史

函谷關前一徑通，行人多少自西東。當年秦法嚴如火，夜  
半狐裘入禁宮。

女郎山

許論

尚書

峩峩高聳女郎山，峭壁危峯不可攀。晴日晚霞林影翠，只  
宜寫在畫圖間。

靈寶縣志

卷之六

藝文下

詩

十四

峴山

同上

嵐光滴翠滿吟鞭，况是西南雨霽天。大笑指緣苔千萬點，此  
時要分買山錢。

講書堂

同上

碧玉巖前是故鄉，路傍遙指講書堂。今來帶劍騎征馬，羞  
向關中道姓楊。

仙人石

同上

坐看南山景物妍，遙看舉目翠峯顛。傍巖白石如人立，疑  
是當年採藥仙。

鞬轡關

同上

山路崎嶇類井陘車難方軌馬難行一夫拒守能堅壁群  
寇何由得進兵

斷密澗

同上

李密英雄笑霸王刑公山下疊尸亡古來自有真良將難  
得忠臣似伯當

楊駿塚

同上

楊氏功名載晉唐男為卿相女椒房一門貴顯今何在高  
塚巍巍表故鄉

靈寶縣志

卷之六 藝文下 詩

七

夜過函谷

張漢

山深雲暗徑尤低夜半人歸信馬蹄不是關門無戍守此  
行那會學鳴雞

峴山

霍濬遠 前邑令

春風吹草峴山香草白青青風自長但使人如羊太傅何  
須墮淚認襄陽



鴻道

渡黃河

范雲

河邊汎且濁湯湯不可陵  
檜楫難爲榜松舟纔自勝  
空亭偃舊木荒疇餘故塍  
不覩行人迹但見狐兔興  
寄言河上老此水何當澄

至老子廟應詔

庾信

虛無推馭辯廖廓木乘蜺  
三門臨苦縣九井對靈溪  
成丹頂竹節量藥用刀圭  
石似臨邛芋芝如封禪泥  
耗毛新鶴小盤根古樹低  
野戍孤煙起春山百鳥啼  
路有三千別途

靈寶縣志

卷之六 藝文下 詩

美

經七聖迷唯當別關吏  
直向流沙西

和酬魏州李司法

楊炯

唇齒標形勝關河壯邑居  
寒山抵方伯秋水面鴻臚  
君子從遊宦忘情任卷舒  
風霜下刀筆軒蓋擁門閭  
平野雲黃遍長洲鴻雁初  
菊花宜泛酒蒲葉好裁書  
昔我芝蘭契悠然雲雨疎  
非君重千里誰肯惠雙魚

奉和聖製經函谷關作

張九齡

函谷雖云險黃河已復清  
聖心無所隔空此置關城

至桃林塞作

崔湜

去國未千里離家已再旬丹心恒戀闕白首更思親懷璧  
常貽訓捐金詎得鄰抱冤非忤物羅謗豈由人不濫辭終  
辨無瑕理竟伸蔽還中省舊行與外臺新塞上同遷客江  
潭異逐臣淚垂非屬峴腸斷固由秦歲月行迢盡山川難  
重陳始知亭伯去還是拙謀身

弘農清巖曲有磬石可坐宋十一之間每拂拭待余

寄詩贈之

田遊巖

信彼稱靈石居然狎遁棲裴回承翠巘馱駁帶深谿夕陰  
起層岫清景半虹霓風來應嘯阮波動可琴嵇僕也頓陽  
靈寶縣志

卷之六

藝文下 詩

五

客望彼空思齊儻見山人至簪高且杖藜

經函谷關

韋應物

洪河絕山根單軌出其側萬古爲要樞往來何時息秦皇  
旣恃險海內被吞食及嗣同覆顛咽喉莫能塞炎靈詎西  
駕婁子非經國徒欲扼諸侯不知恢至德聖朝及天寶豺  
虎起東北下沉戰死魂上結窮冤色古今雖共守成敗良  
可識藩屏無俊賢金湯獨何力馳車一登眺感慨中自慚  
初至西虢官舍南池呈左右省及南宮諸故人

岑參

黜官自西掖待罪臨下陽空積犬馬總豈思鷓鴣驚行素多  
江湖意偶佐山水鄉滿院池月靜捲簾溪雨涼軒窗竹翠  
濕寒牖尚花香白鳥上衣衡青苔生筆牀數公不可見一  
別盡相忘改恨青瑣客無精華省郎早年迷進退晚節悟  
行藏他日能相訪嵩南舊草堂

魏中酬陝西甄判官見贈

前人

微才棄散地拙宦慚清時白髮徒自負青雲難可期胡塵  
暗東洛亞相方出師分陝振鼓鼙二嶠滿旌旗夫子廊廟  
器迥然青真姿闔外佐戎律幕中吐兵奇前者驛使來忽  
靈寶縣志

卷之六

藝文下

詩

美

枉行軍詩晝吟庭花落夜諷山月移昔君隱蘇門浪跡不  
可羈詔書自徵用令譽天下知別來春草長東望轉相思  
寂寞山城暮空聞畫角悲

魏州郡齋南池幽興因與閔二侍御道別

前人

池色淨天碧水涼雨淒淒快風從東南荷葉翻相西性本  
愛魚鳥未能返巖谿中歲徇微官遂合心賞賤及茲佐山  
郡不異尋幽棲小吏趨竹徑訟庭侵藥畦胡塵暗河洛二  
陝震鼓鼙故人佐戎軒逸翮凌雲霓行軍在函谷兩度聞

鴛鴦相看紅旗下飲酒白日低聞君欲朝天駟馬臨道嘶  
仰望浮與沈忽如雲與泥夜眠驛樓月曉發關城雞樹根  
酒鄉暮鄉書對君題

魏州送鄭與宗弟歸扶風別廬

前人

佐郡已三載豈能長後時出關少親友賴汝常相隨今日  
忽言別愴然俱淚垂平生滄洲意獨有青山知州縣不敢  
說雲霄誰敢期因懷東谿老最憶南峰緇為我多種藥還  
山應未遲

魏州酬辛侍御見贈

前人

靈寶縣志

卷之六

藝文志

詩

門柳葉已大春花今復開蒼毛方二色愁緒日千端夫子  
履新命鄙夫仍舊官

稠桑驛喜逢  
得時

前人

駟馬映花枝人人來  
問春草自應知不謂  
青雲客猶思紫禁

魏州送天平何丞

前人

關樹晚蒼蒼長安近  
酒細雨濕行裝  
道塵黑防秋寒草黃知君而駿馬不是雙燕王

坐玉七錄事

前人

早歲卽相知嗟君最後時青雲仍未達白髮欲成絲  
關門樹長河華岳祠弘農人吏待莫使馬行遲

魏州西亭陪端公宴集

前人

紅亭出鳥外駿馬繫雲端萬嶺牕前睥千家肘底看開瓶  
酒色嫩踏地葉聲乾爲逼霜臺使重裘也覺寒

魏州卧疾喜劉判官相過水亭

前人

卧疾嘗晏起朝來頭未梳見君勝服藥清話病能除低  
共繫馬小池堪釣魚觀棋不覺填月出水亭初

魏州南候嚴中丞不至

前人

靈寶縣志

卷之六 藝文下 詩

卒

池上日相待知君殊未回徒教柳葉長漫使梨花開  
去不反雙魚空往來思想一作想思不解說孤負舟中杯

題魏州西樓

前人

錯料一生事蹉跎今白頭縱橫皆失計妻子也堪羞  
雖然棄丹心亦未休愁來無去處祇上郡西樓

佐郡思舊遊 并序

前人

已亥歲春二月參自補闕轉起居舍人夏四月署魏州  
長史適見秋草涼風復來昔相譚出爲六安丞常忽忽  
不樂今知之矣悲州縣瑣屑思掖垣清閑呈左右省舊

幸得趨紫殿那憶侍丹墀史筆衆推直諫書人莫窺平  
恒自負垂老此安卑同類皆先達非才獨後時庭槐宿鳥  
亂階草夜蟲悲白髮今無數青雲未有期

魏州後亭後李判官使赴晉絳得秋字前人

西原驛路挂城頭客散紅亭雨未收君去試看汾水上白  
雲猶似漢時秋

魏州西山亭子送范端公得濃字前人

百尺紅亭對萬峯平明相送到齋鐘驄馬勸君皆卸却使  
君家醞舊來濃

靈寶縣志 卷之六 藝文下 詩 三

題觀樓

荒樓荒井閉空山關合乘雲去不還羽蓋霓旌何處在空  
留藥臼向人間

潼關吏 安祿山兵北哥舒翰請堅守潼關明皇聽揚  
國忠言力趣出兵翰撫膺慟哭而出兵至靈

實潼關 遂失守 杜甫

士卒何草草築城潼關道大城鐵不如小城萬丈餘借問  
潼關吏修關還脩胡要我下馬行爲我指山隅連雲列戰  
格飛鳥不能踰胡來但自守豈復憂西都丈人視嬰處空  
狄客單車艱難舊長戟萬戶用一夫哀哉桃林戰百萬化

爲魚請屬防關料慎無學哥舒

過水員外之間舊莊

前人

宋公舊池館零落守

一作

陽阿枉道祇從人吟詩許更過

淹留問老叔冥向山河更識將軍樹悲風日暮多

寄彭州高三十五使君適虢州岑二十七長史參三

十韻

前人

故人何寂寞今我獨淒涼老去才難盡秋來興甚長物情  
尤可見辭客未能忘海內知名士雲端各異方高岑殊緩  
步沈鮑得同行意慙關飛動篇終接混茫舉天悲富駱近

靈寶縣志

卷之六

藝文下 詩

三

代惜盧王似爾官仍貴前賢命可傷諸侯非棄擲半刺已  
翱翔詩好幾時見書成無信將男兒行處是客子關身強  
羈旅推賢聖沈繇抵咎殃三年猶瘧疾一鬼不銷亡隔日  
搜脂髓增寒抱雪霜徒然潛隙地有甌屢鮮妝何太龍鍾  
極於今出處妨無錢居帝里盡室在邊疆劉表雖遺恨龐  
公至死藏心微傍魚為肉瘦怯豺狼隴草蕭蕭白洮雲片  
片黃彭門劍閣外號畧鼎湖旁荆玉簪頭冷巴箋染翰光  
烏麻蒸續曬丹橘露應嘗豈異神仙宅俱兼山水鄉竹齋  
燒藥竈花嶼讀書牀更得清新否遙知對屬忙舊官寧改

漢唐濟世宜公等安貧亦士常  
朔漫猖狂曾待祆氛靜論文暫裹糧

黃河二首

前人

黃河北岸海西軍  
推鼓鳴鍾天下聞  
鐵馬長鳴不知數  
胡人高鼻動成羣

黃河西岸是吾蜀  
欲須供給家無粟  
願驅象底戴君王  
混一車書棄金玉

寄贈號州張參軍

韓翃

三十事諸侯賢  
蒙冠北州桃花迎  
駿馬蘓合染輕裘  
觀妓

靈寶縣志

卷之六

藝文下 詩

奎

將軍第題詩  
關尹樓青林朝送客  
綠嶼晚回舟  
好粟分通子  
名香贈莫愁  
洗杯新酒熟  
把燭故人留  
百雉歸雲過  
千峰宿雨收  
蒹葭露下晚  
菡萏水中秋  
憶昨陪行樂  
常時接獻酬  
佳期雖霧散  
惠問亦川流  
開卷醒堪解  
含毫思苦抽  
無因達情意  
西望日悠悠

題王真觀李秋書院

韓翃

白雲斜日影深松  
玉宇瑤壇知幾重  
把酒題詩人散後  
畫陽洞裏有疎鐘

赴號州留別故人

盧綸



世故相逢各未閑百年多在別離間昨夜秋風今夜雨  
知何處入空山

魏州逢侯判官尋南觀因贈別時居停務 盧綸

不見翻惆悵應憐責廢官過深慚祿在識淺賴刑寬獨失  
耕農業同思弟姪歡衰貧羞客過卑吏會君難放鶴登雲  
壁澆花遠石壇興還江海上跡在是非端林密風聲細山  
高雨色寒悠然此中別賓僕倚闌干

題楊魏縣竹亭 前人

夜宿密公室話餘將晝興遠堦二徑雪當戶一池水家訓

靈寶縣志 卷之六 藝文下 詩 畝

資風化心源隱政能明朝復何見萊草古溝塋

關口逢徐邁 前人

廢寺連荒壘那知見子真關城夜有雪冰渡曉無人酒重  
唯多病山中願作鄰常聞兄弟樂誰肯信家貧

弘農公以碩德偉材屈於誣弘農公楊憑也為左官

三歲復為大僚天監昭明人心感悅宗元竄伏湘浦  
拜賀來由謹獻詩五十韻以畢微志 柳宗元

知命儒為貴時中聖所臧處心齊寵辱遇物任行藏  
新安地封傳 羅晉卿挺生推巧野將求仰龍蟠

精圖百鍊銅茂功期舜禹高韻狀羲黃足逸詩書圖  
播翰墨場雅歌張仲德頌祝魯侯昌憲府初騰價神州轉  
耀鉞右言盈簡策左轄脩條網響切晨趨佩煙濃近侍香  
司儀六禮洽論將七兵揚合樂來儀鳳尊祠重餽羊卿材  
優柱石公器擅巖廊峻節臨衡嶠和風滿豫章人歸父母  
育郡得股肱良細故誰留念煩言肯過防非真盜客金  
有誤持郎龜虎休前寄貂蟬冠舊行訓行方命呂理劇復  
推張直用明銷惡邊將道勝剛敬逾齊國社恩比召南棠  
希怨猶逢怒多容競性強火炎侵琬琰鷹擊謬鸞鳳刻木

重賞縣志

卷之六

藝文下 詩

重

終難對焚芝未改芳遠遷逾桂嶺中徙滯餘杭頌土雖懷  
趙知天詎畏匡論嫌齊物誕騷愛遠遊傷麗澤周羣品重  
明照萬方斗間收紫氣臺上挂清光福爲深仁集妖徒盛  
德禳秦民啼狀畝周士舞康莊采綬還垂艾華簪更截防  
高層遷鼎臣透傷好書玉碧樹環金谷丹霞映上陽皆歡  
唱容與夢醉封清涼故友仍同里常僚每合堂淵龍過許  
助水鯉弔王祥玉漏天門靜銅駝御路荒淵瀝秋歛灑嵩  
少暮微茫遵渚徙云樂冲天自不遑降神終入輔種德會  
明敷獨棄儉人國難窺夫子牆通家殊孔李舊好卽滄場

世議非張摯時情弃仲翔不言線繼狂徒恨纒綴長賈  
松華關鄒書怯太梁炳心那自是昭世懶佯狂鳴玉機全  
息懷沙事不忘戀恩何敢死垂淚對青湘

寄楊虢州與之舊姻

劉禹錫

避地江湖知幾春今來本郡擁朱輪阮郎無復里中舊楊  
僕却爲關外人各繫一官難命駕每懷前好易沾巾玉城  
山裏多靈藥擺落功名且養神

述舊賀遷寄陝虢孫常侍

南宮左輔  
兩處交代

劉禹錫

南宮幸襲芝蘭後左輔會交邱綬來多病未離清洛苑新

靈寶縣志

卷之六

藝文下 詩

奕

恩已歷望仙臺關頭古塞挑林靜城下長河竹箭回聞說  
隨車有霖雨此時偏動子荆才

酬楊侍即憑見寄

前人

翔鸞關底謝皇恩纒上滄浪舊水痕疎傳揮金忽相憶遠  
擎長句與招魂

荅楊八敬之絕句

楊八敬之  
詩

前人

鮑霜孤竹聲偏切帶火焦桐韻本悲今日知音一留聽是  
君心事不平時

酬楊八副使將赴湖南途中見寄一絕 前人

知逐征南冠楚材遠勞晝信到陽臺明朝若上君山上  
道巴江自此來

西上經靈寶觀

自註觀即尹真人舊宅

孟郊

道士無白髮語音靈泉清青松多壽色白石恒夜明放步  
霽霞起振衣華風生真文秘中頂寶氣浮四楹一片古關  
路萬里今人行上仙不可見驅策徒西征

泛黃河

孟郊

誰開崑崙源流出混沌河積雨飛作風驚龍噴為波湘瑟  
颺颺弦越寶鳴咽歌有恨不可洗虛此來經過

靈寶縣志

卷之六

藝文下 詩

七

出城寄權璩揚敬之

李賀

草暖雲昏萬里春宮花拂面送行人自言漢劍當飛去何  
事還車載病身

出關路

白居易

山川函谷路塵土遊子顏蕭條去國意秋風生故園

社日關路作

前人

晚景函谷路涼風社日天青巖新有燕紅樹欲無蝶愁立  
驛樓上厭行官埃前蕭條秋興苦漸近二毛年

錢號州以三堂絕句見寄因以本韻和之 前人

同事空王歲月深。相思遠寄定中吟。遙知清淨中和化。祇

用金剛三昧心。子早歲與錢君同習。讀金剛三昧經故云。

曉過函谷關

李涉

因韓為趙兩游秦。十月冰霜渡孟津。縱使雞鳴過關吏。不知余也是何人。

題畫山水

楊汝士

太華峯前是故鄉。路人遙指讀書堂。如今老大騎官馬。向關西道姓楊。

春日言懷寄魏州李常侍十韻

杜牧

靈寶縣志 卷之六 藝文下 詩 李

岸蘚生紅藥。巖泉漲碧塘。地分蓮嶽秀。草接鼎原芳。雨派  
濛濛急。風畦芷若香。織蓬眠舴艋。驚夢起鴛鴦。論吐開冰  
室。詩陳曠。錦張貂。簪荆玉。潤丹穴。鳳毛光。子弟新今日還登科甲  
殊守何年執。戰即且嫌遊。晝短莫問積。薪長無計披。清歡  
唯持祝壽觴。願公如衛武。百歲尚康強。

任弘農尉獻州刺史乞假還京

李商隱

黃昏封邱點刑徒。愧負荆山入座隅。却羨漆下和雙別。足一  
生無復沒階趨。

送錢給事赴魏州

劉得仁



寂寞函谷鎖未開田文車馬出秦來朱門不養三千客誰  
為雞鳴得放回。

靈寶縣西側津

吳融

碧溪激激流殘陽晴沙兩兩眠鴛鴦柳花無賴若多暇蛟  
蟻有情長自忙千里宦遊成底事每年風景是他鄉。高歌  
一曲垂鞭去盡日無人識楚狂。

魏州澗東村居作

韋莊

夏南騎馬出郊坰迥首寒煙隔郡城清澗漲時翹鷺喜綠  
靈寶縣志

卷之六

藝文下

詩

七

桑柘處哺牛鳴兒童負豸生於客奴僕驕多倨似兒。試望  
家田還自適滿畦秋水稻苗平。

尹喜宅

前人

荒原秋殿柏蕭蕭何代威煙占寂寥紫氣已隨仙仗去白  
雲空向帝鄉消濛濛暮雨春雞唱漠漠寒蕪雪兔跳欲問  
靈蹤無處所十洲空闊閬山遙。

三堂東湖作

前人

綠塘秋水碧泓澄十畝菱花晚鏡清景動新橋橫蛩螿  
鴈蟾投夜鏡當湖落嶽倒秋蓮入浪生何處

最添詩客興黃昏煙雨亂蛙聲

冬日長安感志寄獻虢州崔郎中二十韻 前人

帝里無城久滯淹別家三度見新蟾  
郊說丹桂無人指阮籍青襟有淚  
霑溪上却思雲滿屋鏡中惟怕雪生  
髯病如原憲誰能療蹇是劉禎豈用  
占露雨十年同隱遁風雷何日振沈  
潛吁嗟每被更聲引歌咏還因酒思  
添客舍止甘恣寂寂那樓遙想醉慙  
慙已聞鈴閣懸新詔卽向綸闈副  
具瞻濟物便同川上楫慰心還似  
邑中黔觀星始覺中郎貴問俗方知  
太守廉宅後綠波樓畫鷁馬前紅袖  
簇丹雘雲高拔遠峯尖訟堂無事水  
生邱水謝高吟月透簾松下圍棋期  
褚筆頭飛箭薦陶謙未知匣劍何時  
躍但恐鉛刀不再銛雖有遠心長擁  
筆恥將新劍學苦編纜驚素節移銅  
律又見真變玉籤百口似萍依廣岍  
一身如燕戀高簷如今正困風波力  
更向人中問宋織

三堂早春

前人

獨倚危樓四望遙杏花春陌馬聲驕  
池邊水亦暖初落山上雪稜寒未銷  
溪送綠波穿郡宅日移紅影度村橋  
主人

靈寶縣志

卷之六 藝文下 詩

三



年少多情味笑換金龜解珥貂

関下

崔道融

百二山河壯帝畿。関門何事更開遲。應從漏却田文後。每度聞鷄不免疑。

得體歌

天寶初韋堅為陝郡太守水陸轉運使於長安城東漕水傍穿廣運潭以通吳會數十部舟楫若廣陵郡船即堆積廣陵所出錦鏡銅器餘郡皆然舟人大笠寬衫芒屨如吳楚之製先是民間戲唱得體歌至開元末田同秀上言元皇帝云有寶符在陝桃林縣古関令尹喜宅遣中使求得之以為殊祥改縣為靈寶及堅鑿新潭成又致揚州銅器陝縣尉崔成甫乃撰具詞為得寶歌集兩縣官妓女子唱之成甫又作歌詞十章自衣缺袴縵

靈寶縣志

卷之六

藝文下 詩

圭

錦半臂偏袒博紅抹額於第一船作號頭唱之和者女子百人皆鮮服靚妝齊聲接唱詠笛胡部以應之明皇臨觀大悅下詔褒賞

得反 丁統禮都重

紇那也囊得體那潭裏船車鬧揚州銅

多三郎當殿坐聽唱得體歌

得寶歌

開元末弘農古函谷關得寶符因改元為元寶其符白石赤文正成桑字解者云四十八以示御曆之數及帝幸蜀之來歲正四十八年得寶之時天下歌之云云

得寶耶弘農耶弘農耶得寶耶

函谷関

汪元量

風吹我度函関古壑泉聲靜楓樹老子騎牛沙上去仙

人化鶴苑中還斷崖水脫懸殘日絕域雲橫失好山舊詩  
度関朱履客一聲雞唱翠微間

河邊曉望

司馬光

高浪崩奔捲白沙悠悠極望入天涯誰能脫落塵中意乘  
興東遊坐石槎

函関

金 辛 愿

度峯高聳大河旁自古函関一戰場紫氣久無傳遺叟黃  
塵那有棄繻郎烟迷輕草秋邊綠露浥寒花晚更香共說  
函山雄百二不堪屈指算興亡

靈寶縣志

卷之六

藝文下 詩

七

登老君原觀後閣

呂天益

閣凌空四望開登臨永日獨徘徊峯高下見黃河盡天  
滿遙看紫氣來遠樹蒼茫生極浦寒雲蕭瑟鎖荒臺関門  
金尹知何處愁聽孤城畫角哀

函谷関

明 呂天益

樓堞連天起風塵接塞多関門臨碧澗下臨引山勢走黃  
河望氣空千載封泥竟若何祇今同軌日午夜任經過

稠桑驛

國朝 王士正

春蘭秋菊不同芳舊恨新愁爾許長憑是三生緣未了又

呼 子到稠桑。

老子故宅

前人

北邙東望冢纍纍。上有元元古廟基。莫以荒唐笑仙李。漢家先奉灌龍圖。

函谷關

邑令 周慶增

半壁西鄰半壁天。函關深鎖勢重堅。洪河吞澗迴環抱。秦嶺鋪原斷續聯。侯吏有人迎紫氣。曉籌無客破寒煙。我來六字同風日。笑檢頽垣聽往還。

夏直臣墓

同上

靈寶縣志

卷之六

藝文下 詩

古

嶢關岐路歎高龜。關壘分明古洞垂。九鼎已隨神物易。孤墳不向道旁移。幾人地下欣同調。有客風前弔楚詞。拜起依依還惆悵。殷勤父老築豐碑。

函關懷古

同上

奧堂未固守藩籬。深鎖重關亦枉爲。莫恠遊人競巧渡。白裘先已出宮姬。

弘農閔眺

邑人 楊浩

百里清流足溯洄。弘農北下鏡光開。仰垂紅葉山頭樹。倒挂碧標天際臺。斜日洪波看畫錦。高潭急響聽秋雷。居人

更愛分餘潤西陌南阡次第來

函關紫氣

同上

雄關便是芙蓉城柱史東來瑞色明道氣發揮成紫氣衆  
生尊禮可長生尼山也並師襄席函谷尤深尹喜情仙籙  
千年黃卷在丹鉛誰復剖菁英

書院圖

邑人

許鵬扶

文峯秦嶺峻學海大河長白鹿欣重振巍巍起棟梁

渠道圖

同上

縱旱寧愁雨潺湲笑穡夫於陵陳仲子抱甕不須圖

靈寶縣志

卷之六

藝文下 詩

畫

四境圖

同上

提封百里勝烟火萬家春

御場題圖藉桃林此幅真

桃林牧豎

同上

太華東臨河水涯碧桃爛熳柳叅差山村笑語誰驅犢綠  
野徜徉任牧兒橫笛一聲空谷曉卧簑幾處夕陽遲太平  
圖像難描寫徒憶放牛歸馬時

漢唐古栢

赤帝勛名在鼎鐘至今廟栢老虬龍颼颼風拂孤標迥

雪皚黛色濃。雙幹何如司馬檜。五株堪笑大夫松。杜公題詠願公字。欲勒貞珉記碧峯。

秦嶺雪樵

同上

終南草樹入桃林。樵子攀援雪後尋。玉宇寒輕籠白日。銀溪凍解見青岑。爛柯爭覓仙人度。負楚誰知太宰心。俯仰空山饒樂事。朔風吹處一微吟。

黃流晚釣

同上

銀潢天上瀉洪流。誰向閨宵理釣鈎。半岸清風浮水面。一輪新月掛竿頭。詎將密網供游泳。聊任潛鱗自去留。欸乃歌聲何處是。疑從五者泛舟遊。

靈寶縣志

卷之六 藝文下 詩

美

老子故宅

同上

古洞幽深依北郭。危樓岌嶬上東原。恍疑蓬島懸金榜。還意剡溪啟石門。剛卯符誰傳異術。飛龜秩務溯真源。三二元全括五千字。八藏何須億萬言。

龍逢古塚

同上

肝膽空披死諫君。黃河曲裏有孤墳。未綿夏祚終餘恨。但隕微軀豈足云。弔古三杯田橫酒。誅芳一譜屈原文。慎無說塚天王聖。知是忠魂不忍聞。

函關雞鳴

同上

河山百二控西秦。谷口空傳古要津。自聽雞聲呼曉漏。誰  
夸虎穴脫強鄰。朝昏不戒川原勝。車馬常清道路塵。却羨  
侯儒無復用。關門閉殺掌晨人。

項城暮雨

同上

石泉霖霖下天晴。父老為余指項城。隆準入關先逐鹿。重  
墮阨險此連兵。雲屯高占青山色。鳥陣長依白練明。殺氣  
千年猶未解。巉岩飛瀑雨縱橫。

風雪寺

并序

大中丞西林

鄂容安

靈寶縣志

卷之六

藝文下

詩

七

去歲冬暮風雪中。過曲沃鎮小憩。道傍墅寺茶香正。  
清松全深閉。殊得塵外趣。寺無名。川名風雪重。過偶  
題絕句時已己仲春望日也。

墅寺幾經過。春深又此行。看花兼聽鳥。風雪隔年情。

登復函谷爰覽印陵地險透山岡相承深窅累降修  
 重升下晉其而幽巖上考崇而高興帶以河洛重以嶠  
 經畧者因固守異聚則阿奇言必檢消姦尤於未  
 殿邪偽於萌漸及文仲之斯廢乃建仁而受貶聖王詞典  
 蓋以防淫萬里順軌疆場不侵撫四方而守境豈特阻於  
 高岑彼築紂以顛墮非山河而不深顧晉平之憂險獲汝  
 叔之忠箴鄙魏武之墜志嘉吳起之宏心末代凌遲惡稟  
 靈寶縣志

卷之六

藝文下

賦

六

氏之叛渙乃因茲而自增下凌上替山冢峯崩覽孟嘗之  
 獲免賴博愛而多寵惟七國之西征仰斯阻而震恐其隕  
 險之難犯將群師之無勇咨漢祖之絕關又見敗於勃項  
 尹喜爰處觀妙研精李老西徂五千遺聲張祿既入穰侯  
 乃傾營陵之出稟築由生衛鞅及商喪宗摧名終軍奔縑  
 擁節飛營觀浮偽於末俗思貞乎大庭

函谷關賦

閻伯璜

函谷天險弘農邦鎮南據二號地荒三晉洞開一軌壁立  
 千仞徑薦雙合梯苦孤峻世濁先封道康後順遠秦塞近

崑陵幽泉脉脉斷峰稜後增障霧沓聚拆煙凝高卑壘  
坻嶠相承靡屆靡究不爲不崩實隄防之樞轄爲造化之  
緘滕齊之以權衡危不可得約之以符璽信而有徵昏主  
旣廢聖人以興慎終於始欲罷不能觀夫憧憧往來駸駸  
成霧據於石東西十里臨其深前後咫尺步建甌百二之國  
扼喉二七之路幅員旣長城小而固恃一化之陰隲望羣  
倫之攸序於是勅用傳禁棄繻商君本魏之公子柱史乃  
周之臣符知結草之可守故習坎以無虞原夫阻河稱深  
因山爲衛背宇宙之衝連阡陌之勢萬方納歛百工獻藝  
靈寶縣志

卷之六

藝文下 賦

堯

四旁磔攘諸侯之政典一丸成功陪臣之邪說直指天符  
變梯夷之末橫分地維弛旂旒之贅聿修綱紀以遏醜戾  
或懸門而不發殊勇夫之重閉懷德惟寧將鎮其細旣皇  
漢之辟國實扇鑄於新安固之胡易捨之則難復襟帶於  
故道徒瀕壤而未乾善孟子之禁暴惡臧孫之謬官存古  
訓以是式庶斯文之不刊

懷忠賦

歐陽詹

唐人

丙寅歲因受譴季冬之月次於函谷歷關龍逢墓焉昔聆  
其風未嘗不迴腸隕涕觀夫塋壘心又增傷遂寫憤於言



為賦以弔先生以忠諫致命故以懷忠命篇云

天生彼癸兮用殲覆於夏家欲悠悠而罔極毒浩浩而無涯無辜殞身肆市朝之若莽有道併命委炮烙以如麻伊先生之謬謬為酷烈之所加嘗披圖於徃載每廢卷於嗟嗟蕭條舊邑莽蒼空陂陷陵成坎古木無枝或曰此其墓也又一倍以贈悲嗚呼麟非騰噬之儔詎虎狼之共穴實仁靈之類豈鷹鷂之同列惟玉石之明分亦薰蕕之別是以蹇蹇心競昂昂面折彼炎炎之燎原信撲撲而不滅寧歸死以申懷不貪生而結舌痛矣哉古人有言輔仁者天福善者神胡為是日功不如人使典章之不信俾忠義之空勤律中大呂日臨蒙谷風颼颼於衰草烟茫茫乎平陸思悽悽而填臆淚淫淫以盈目義則非其知友親故遠夫骨肉節臨危而不撓行於艱而彌篤惟其有之是以傷之而慟哭

靈寶縣志

卷之六

藝文下 賦

六

育賢泉賦

邑人許

讚

大序  
士

靈寶邑學直櫺星門下有泉焉出自正統初年甘冽可食因名育賢泉流里許卽入大河不慮其不至海也余自登年遊學於茲今筮仕二十年碌碌如舊念惟本原之地佳

鹿之跡爲之作賦其辭曰詠髦士而興樸感美君子  
菁莪此詩人取物類之近似明樂育之衆多詠斯泉之音  
勝命佳名其奚過直鬻池而感沸經石山而透迤當川原  
之膠膈出邱壑之崑嶷函谷南通而湫漫中條北峙而龍  
嵒桃林衍西原之塞甘棠望東郡之風逢昭代而建城邑  
相與隅而啟學宮三才會感一氣潛通乃若湧群珠兮翻  
淖噴寒玉兮深潢土積膏而成滴地綻脉而迸光初涓涓  
兮沙底稍涿涿兮溪旁遂合流而穿樹乃繚邱而繞岡灑  
灑沄沄瀟瀟泱泱淅淅滄滄澗澗澗澗冬溫燠而不冰

靈寶縣志

卷之六 藝文下 賦

全

早夏寒冽而長漣榮青莎漱碧鮮濯紫芹滋綠荃溪毛紛  
如錦纈絢然輕漚飄霜雪之璀璨幽潭湛琉璃之澄鮮潤  
千畦而並蔣瑩一鑑而常圓深汲不盡永輪不湮或月浪  
搖空涼颺淨宇銀漢遙連冰壺共覩潤通上下光徹仰俯  
吸沆瀣之茫茫披露華之溥溥驗夜氣兮須臾契道心兮  
千古或雨霽迎梅風暄試扇照岸畔之繁花拖松陰之匹  
練泥燕類來山禽屢盼或被禊兮沙頭或高歌兮水面歎  
逝者之如斯洵一氣之相轉於是掬清冷以洒其心兮挹  
滄汗以沛其文沐汪濊以涵養兮茹膏液而陶薰水荐至

以常行兮澤相麗而資群遡洙泗以尋源兮指濂洛而周  
遊河伯之望洋兮何戚而歎子輿之觀瀾兮何術以求就其  
淺以泳兮就其深以舟鳶魚上下兮潏潏天雲徘徊兮悠  
悠究萬殊於一本觀大德於川流存見少而漑漑兮奚自  
多而休休必左右之逢源兮始出涘而知羞領河圖於羲  
卦之未畫會龜書於禹範之無疇湖海非至大之域涓滴  
非至細之儔噫吁勉哉惟敬遜時敏斯昭明有融几我君  
子其尚觀彖於井玩象於蒙果行育德始明道而立體勞  
民勸相終致用而成功如月鑑之明水司烜是職李蘭之

靈寶縣志

卷之六

藝文下 賦

全

蘋藻宗廟是崇誠亦不負於泉矣若夫泆忍渾濁滄淺濫  
汰濟盈不濡汨沒塵壙如井泥之無禽雨潦之溢澮惟茲  
泉之羞亦斯文之害泉之義大矣哉不然何以美惡殊源  
感召異向或緣以貪墨或因而在妄聰明成牛相之聲華  
廉讓著范公之雅望邑路通長安每聞西使道漢之太液  
唐之華清方丈瀛臺之室已荒頽於菅莽玉龍鳧鴈之嬉  
空餘剩乎蛙蟻此則崇台池以事仙幻飭泉館以悅傾城  
是以證嚮今故明質衡平故雖長江大河尚不能洗滌其  
汗穢其與清流靈派同東注而泔泔者孰可尤而孰可名

也耶城南楮廣文好賢樂善素愛此泉聞而是之乃爲歌  
曰泉水之盈科兮君子以自新泉波之渙漫兮君子以經  
綸泉之流兮赴滄海賢之達兮近紫宸前波逝兮後波續  
前賢建立兮後賢仰遵泉之長兮無盡賢之出兮何垠山  
川草木兮精采長春又歌曰文運昌兮禮樂純奎壁爛兮  
泰階均闡闡啓兮俊乂賓宴瓊林兮錫玉醜舞咸英兮奏  
詔鈞海宴河清兮仰一人地效靈兮儒效珍千年萬年兮  
泉粼粼泮芹豐芭兮同不泯

梁文貞賦

明許讚

靈寶縣志

卷之六

藝文下

賦

全

人之性有本于天植而凡物不足以搖奪之者是浩然之  
氣也是氣也有擔當有寧耐不爲習染所移文貞痛母不  
逮養穿墻廬墓汎掃供奉人可能也至喑默三十年如一  
日不可能也是孟子所謂至大至剛曾子所謂大孝置之  
而塞于天地者言異理同文貞有焉樹欲靜兮風不停日  
欲騰兮寒雲肓親不逮兮子身在而伶仃旻天彌亘于億  
萬里兮親思何其可形少從軍兮邊庭荷霜戈兮淚零望  
高堂兮多繁星聽音聲兮過郵亭歲月忽其愈邁兮注雨  
淚之泠泠一朝偶還鄉土兮親葉養而日曠痛承顏之終

絕兮。有身有生其曷寧。與其圖來世之養兮。孰若由隧而  
俱奉于幽冥。若乃穿墳爲門。晨夕汛掃。廬于墓左。喑默不  
言。痛惟此舉兮。固已致孝理于無極。歷三十年而無間兮。  
亘古今而一聆。至哉天性。厥孝難銘。甘露降于瑩水兮。白  
兔效靈。昔絳老言年。武子厚賚而謝過。范升精易。漢帝寵  
重而辟官。何文貞道純仁孝兮。寂徵命之未經。堯天意旣  
爲之明格兮。胡人事反爲之幻骨。君固重孝誼而輕時名  
兮。求治者捨是何以爲斯世之儀型。君號人也。愚生長斯  
土。敬爲文以弔。嗚呼。號水如帶兮。號山如屏。號田膺膺兮。

號樹長清。招子之魂兮。薦水萍。孝名歷千年兮。日星燦燦。

東厓賦

山陰張直

天開分野兮墳星耀祥川封巨鎮兮華山面湯垆虛萃立  
兮熊耳孔長搏雲補關兮外方允臧桐柏環於朱圉兮靈  
叔之包荒陪尾聯於鳥鼠兮氣象之昂藏中條起於蒲兮  
延袤之無疆秦嶺終於號鎮兮形勢之相亢伊洛以弘兮  
啓道源之澄澈瀝澗以疏兮裕名流之清冽滎波不興兮  
屏沴氣之消融荷澤不濫兮湛天元之瑩潔兩汜其涯同  
兮而孟豬之單被九流其貫通兮而汝潁之旁達眾水其  
支分兮而弘農之潤開一源其派別兮而育賢之泉咄名

靈寶縣志

卷之六

藝文賦

金

山大川兮推中州之獨完圖青寫練兮侈東厓之奇觀衮  
天■地兮充一榻之燕安吟風弄月兮儲三友之盤桓看  
薔薇兮老東山之謝障川流兮依北斗之韓登絕嶺兮望  
崔生之日跳清流兮觀孟氏之瀾放龍山之馴鶴著鹿皮  
之圓冠摩虎石之瑰竒兮以礪發強之操撫虬松之蟠屈  
兮以達含貞之妙覽花卉之榮悴兮以悟消長之機披雲  
烟之聚散兮以識盈虛之道躡巒嶼之峻層兮以裨文思  
之豪聽泉流之潺湲兮以釋人心之躁內達其順兮而冥  
陟峴之悲外黜其累兮而忘結毛之好身不愛珍兮而鄙

河上翁之貪志不在魚兮而邵晉文公之釣節彼空崗兮  
以廣成而擅名照茲石紐兮以乎成而著靈維赫商巖兮  
以夢形而底譽維崇首出兮以保釐而流英邈茲泉兮由  
呂公之發聞仰崧高兮由甲伯之孕子跂終南兮由盧生  
之豹隱稱少室兮由李氏之蜚聲迨東厓百年之寄跡兮  
而與西山千古之爭能元之達辭兮有彰隱德仲雍制贊  
兮有輝異蹟道元紀事兮迺見於程呂温著銘兮迺鑿於  
石頌衢室兮汾之通表周渠兮穎之哲詠廬山兮吉之修  
記太一兮眉之軼我歌南山白石之調兮以播東厓之德

機祥附

漢建武七年六月大水弘農都尉治爲水所漂殺民傷稼  
壞廬舍二十九年弘農蝗熹平四年弘農蝗

晉永平三年弘農雨雹深三尺咸寧五年弘農雨雹太康  
元年又雹二年再雹元康三年復雹

唐開元末桃林縣南尹喜故宅得靈符

後唐咸平二年七月庚寅靈寶縣暴雨崖圯摧壓死者十  
有二戶

宋大中祥符三年七月號州聖女觀生芝草二本

靈寶縣志

卷之六

藝文下

機祥

一

元至順元年靈寶蝗

明成化二十年靈寶大飢民死徙者殆半

嘉靖六年冬十二月靈寶縣馮佐村黃河清凡三日

嘉靖七年冬飢民多餓死

嘉靖十一年靈寶縣獲白鹿是年縣民李仁子牽犬出  
獵坐崖下崖傾壓焉犬歸號甚急仁乃施從其所之犬  
跑覆土露一裾因掘得其子救良久復甦嘉靖乙卯年

大震寺廟民房傾圮無數

崇禎十一十二十三年天道亢旱赤地千里寸粒不收



人民飢死者十之四五

崇禎十四年流寇破城有被殺者倉庫官衙俱焚了遺  
逃竄地上荒蕪

國朝順治十三年六月門水暴發漂沒房屋居民有被溺  
死者

康熙元年秋霪雨二十日

康熙十一年秋七月蝗飛蔽天食禾殆盡

康熙十四年夏旱兩月禾苗未生百姓惶恐通報上憲  
題請蠲免錢糧十分之三

靈寶縣志

卷之六

藝文下

襍祥

二

康熙十六年六月初九日暴雨衝崩東西城湮沒民間  
房屋有百餘所

康熙十八年秋霪雨自八月初四日起至九月初十日  
晴房傾墻圯秋禾鮮收

康熙二十七年六月十二日夜暴雨壅閉西門水至丈  
餘人民號泣忽城門自裂乃免

康熙五十九年大旱秋禾全無 多令捐俸沿村粥賑

乾隆八年七月內梨灣寨等十八村秋禾被災六分蠲  
免大糧十分之一賑濟常平倉穀一千九百四十六石

靈寶縣志

卷之六

藝文下

禮祥

三

外紀

左傳之外厥有國語志所未及而旁搜以廣其紀載則外紀著焉或一事而前後互見詳畧同異分矣釋史野乘在所不遺要使博採而不傷于誕庶不至貽訛于大雅也紀事紀言紀物紀異凡四

紀事

周

武王放牛羊於桃林之野封號中 公西號

顯王三十九年

秦伐魏圍焦曲沃

靈寶縣志

卷之六 藝文下外紀

赧王十七年

齊韓魏伐秦敗其軍于函谷

秦

莊襄王三年

秦伐魏魏公子無忌率五國之師敗之追至函谷而

二世二年冬陳涉所遣周章等將西至戲應劭曰戲在農湖西界也

章邯擊破周章軍而走遂殺章晉灼曰亭名在弘農東十三里魏武

帝改曰

好陽

漢

高帝二年正月漢王出關至陝撫關外父老還

武帝元鼎二年冬徙函谷關於新安以故關為弘農縣

漢書曰楊僕為樓船將軍屯為關外人於是徙關  
安割秦河南南陽二郡之西境於故函谷置弘農

成帝時以南山群盜例宗等數百人為吏民害拜故弘  
農太守傅剛為校尉將邀射士千人捕逐

更始二年十二月青犢赤眉賊入函谷關攻更始

更始三年正月赤眉至恒農與更始諸將連戰克勝眾

遂大集前及鄭乃相與議曰今迫近長安當求劉氏

共尊立之六月遂於鄭北設壇場立劉盆子為帝古今

注在枯縱山下屬恒農

更始二年二月更始遣討難將軍蘇茂拒赤眉於恒農

靈寶縣志 卷之六 藝文下外紀 二

茂軍敗死者千餘人三月遣李松會朱鮪與赤眉戰

於務鄉續漢志弘農有務鄉東觀記曰徐宣樊崇等

入至恒農枯縱山下與更始將蘇茂戰崇北至務鄉轉至湖湖即湖城縣也以此而

言其務鄉蓋在今號州湖城縣之間 松等大敗棄  
軍走死者三萬餘人

後漢 光武建武二年二月遣驃騎大將軍景丹率征虜將軍

祭遵等二將軍擊恒農賊破之

建武三年正月鄧禹自河北度擊赤眉於湖禹復敗走

赤眉遂出關南向

北 魏 永平二年薛安都寇弘農八月冠軍將軍封禮率騎二

于從涇津南渡赴弘農

孝武帝永熙三年帝至稠桑潼關大都督毛洪賓迎  
食八月宇文泰遣大都督趙貴梁禦甲騎二千來赴  
乃奉迎帝過河

周武帝保定四年十月改函谷關爲通洛坊

武后垂拱三年九月己卯虢州人楊成自稱郎將募  
州人迎廬陵王於房州不果見殺

明皇天寶十五載六月丙戌哥舒翰及安祿山戰於靈  
寶西原敗績

靈寶縣志

卷之六 藝文下 外紀

二

德宗貞元元年秋七月陝虢軍亂殺其節度張勸七年  
以吳姿爲陝虢觀察使

宋真宗大中祥符八年八月戊戌詔京兆河中府陝同華  
虢等州貸貧民麥種

高宗建炎三年春正月辛卯陝州都統邵興及金人戰  
於潼關敗之復虢州

紹興二年夏四月丁亥僞齊知虢州董震及其統制董  
先來歸以震權商虢陝州鎮撫使丙申僞齊李成攻  
陷虢州

育嬰堂費用併入廣濟堂分派

一耗羨錢糧

雍正元年奉 文耗羨歸公每正一兩徵耗羨銀一錢四分共徵耗羨銀七千九十二兩四錢一分三釐八毫起解司庫耗羨銀三千九百二十九兩二錢八分一釐起解道庫漕米節省銀七十兩八錢七分八釐七毫撥與盧氏縣知縣不敷養廉銀六百二十八兩三分四釐九毫

本縣知縣養廉銀一千四百兩

靈寶縣志

卷之二

賦稅

十

縣丞養廉銀八十兩

典史養廉銀八十兩

公費銀二百四十兩

採買漕糧襍費銀三百七兩一錢四分八毫

解費銀三百四十八兩七分八釐四毫原扣留送

解人犯口糧銀九兩乾隆十一年奉 文將額設

口糧耗羨停止扣留定例年底造冊送銷

一積貯

常平倉原額穀四千四百九十一石七斗一升四合四

紹興五年辛酉以董先為副統陝州鎮撫使九月丙

朔岳飛遣統制王貴郝景董先復虢州盧氏縣

十一年乙丑邵隆復虢州

全世宗大定初蒲察世傑復虢州

宣宗貞祐四年十月庚申招射生彘練習武藝知山徑

者分屯陝虢要地

元世祖至元八年九月降虢州為虢畧縣

十年十二月省陝州虢畧朱陽二縣入靈寶

順帝至正十六年九月汝穎賊陷陝虢二州察罕帖木

靈寶縣志 卷之六 藝文下 外紀 四

兄復陝虢二州襲敗賊兵於平陸 汝穎賊黨李武崔德等西陷陝州遂

斷嶠兩勢欲趨秦晉察罕往擊之鼓行而西衣拔嶠

陵立柵交口陝州城阻山帶河賊轉南山粟給食固

守攻之猝不下察罕乃焚馬矢營中如炊烟狀賊畏

兵衆不敢逼而夜提兵拔靈寶城賊始覺即棄陝州

渡河陷平陸掠安邑掠晉南鄭察罕追蹙至下陽津溺死者甚衆

明崇禎七年春正月庚寅總兵官張應昌渡河敗賊於靈

寶夏四月賊自湖廣走盧氏靈寶八年七月十二日

張獻忠突朱陽關總兵尤世威禦諸虢臺敗績  
國朝康熙四十二年十月  
聖祖仁皇帝西巡回鑾經靈寶

駐蹕陝界曲沃鎮摩雲寺越日至陝州

紀言

戴延之西征記曰函者道形如函也孫鄉子曰秦有松柏之塞是也

尹翁歸舉孝廉爲弘農都尉徵拜東海太守過辭廷尉于定國定國家在東海欲屬託邑子兩人令坐後堂待見定國與翁歸語終日不敢見其邑子既去定國乃謂邑子曰此賢將汝不任事也又不可干以私

靈寶縣志

卷之六

藝文下外紀

五

韓休爲虢州刺史號於東西京爲近州乘輿所至常稅廐芻休請均賦它郡中書令張說曰免虢而與它州此守臣爲私惠耳休復執論吏白恐忤宰相意休曰刺史幸知民之弊而不救豈爲政哉雖得罪所甘心焉訖如休請盧杞爲虢州刺史奏言虢有官豕三千爲民患德宗曰徙之沙苑杞曰同州亦陛下百姓臣謂食之便帝曰守虢而憂它州宰相材也詔以豕賜貧民遂有意柄任矣俄召入踰年拜相按兩人皆以虢州守臣言公家事而



休見疑於名相祀受知於猜主遇合有命信哉

紀物

山海經云夸父之山其北有林名曰桃林廣圍三百里  
中多馬造父於其中得驊騮駟之乘以獻穆王

紀異

范曄後漢書曰張楷字公超隱居弘農山學者隨之所  
居成市能爲五里霧後華山南遂有公超霧市

靈寶縣舊志

志卽史也史載國文志亦記邑事也鬼探不得不博  
立言尤貴簡要核名考實牘多殘缺綜年叙事又恐  
次則志誠難言矣哉非具如椽筆何由提擷芳猷甄別  
淑慝今得監古後得鏡今耶靈志自昔邑令苟先生修  
後迄今百二十餘年兵燹之後文物典章盡歸灰燼卽  
素稱石倉家亦且飄落靡遺幸邑侯宗洙梁先生海內  
名英青年聯甲蒞任甫一稔餘政通人和百廢具興於  
羽檄交馳之暇慨然綜志留心民瘼爲急務命余彙次

靈寶縣志

舊跋

余糲酒朽材心切悚慙不敢渝不敢徇惟是梁先生筆  
削爲定準余捧讀之見其詞簡而事備筆古而情真款  
列剖斷命意抉微皆春秋之心法班馬之遺意也視前  
志更覺精確於靈邑大有裨益焉豈競麗飾華爭炫虛  
文者比哉若夫邑內事蹟先生業已燭照往昔永效來  
茲余何敢謬贅蕪詞乎但余所望於先生者轉移風化  
造育雋良踵前哲而振興後不能不倦倦於今日之監  
心也敬爲跋

順治丁酉夏五之吉教諭李茂林題於梵宮水陸堂

重修靈寶縣志舊跋

三代之隆定九州立封建畫井分野天  
下一家猶歟盛哉自秦并六國廢井田  
開阡陌分天下爲郡縣於是郡有守縣  
有令各隸所屬遞相統攝而古制悉廢  
噫亦時勢使然也沿及後世慮郡縣之  
疆圉無考爰各編志以紀之凡星纏土

產流風遺政以及山川之秀濁人物之  
臧否亘古及今數千百年來滄桑百變  
陵谷遞遷莫不備列乎志蒞茲土者披  
閱一過如燭照數計無俟省方問俗而  
移易之權在掌握中矣志之爲書誠重  
矣哉靈寶係古桃林地自周平王東遷  
王城封秦於咸陽秦建函谷關於大河

之濱以當山東諸國故靈寶爲關中  
吭區也代有變更盛衰不一延及明懷  
宗時寇起上郡戎馬蹂躪兵燹之餘城  
郭典籍悉燬而邑乘亦無由稽核恭逢  
聖天子龍飛出殘黎於灰燼成一統之車書  
几郡縣之廢弛者悉復舊制縣治煥然  
聿新非復向時瓦礫場矣前邑侯古宜

靈寶縣志

舊跋

二

梁君博採旁求復修志書而靈邑所屬  
畧有可攷然其中條分縷晰不無遺疵  
已巳秋西冷

霍侯厚菴先生來治茲邑勵精圖治甫一  
載而百廢具興每閱縣志未愜厥懷緣  
視事未久不敢遽爾上請幸我

大中丞閻公慨然於豫州居天下之中而

郡縣之志闕如爰命守令各加重輯務期考核精詳簡明切當以成一代盛典霍侯捧檄欣躍曰實獲我心矣於是揖都人士而告之故延名宿於桃林書院纂修編輯侯於簿書之暇共相考訂遵

中丞公之條例而綜核之芟繁就簡易俚就醇考核釐定俾無舛訛創於秋仲成於冬初凡三閱月而告竣余亦得追隨几硯而校讐之竊愧樗櫟庸材不克仰贄一詞然讀志而知

侯之筆削具春秋之義

侯之才識兼班馬之長後之君子採風問俗不惟一邑有徵信之文獻而追溯

號叔遺徽猶足見文武成康之餘澤尚  
存弘農函谷間也謹跋康熙二十九年  
陽月之吉教諭蘭陽惠博拜撰



